

2013.10.23

25

118

連江縣志

卷十

古蹟寺觀外教雜事





連江縣志卷之十

古蹟

石刻帖本附



共此一山川而居人指述過客追尋或屢涉頻經至坐卧不能去地匪特奇其傳之有故也蓋事希則軌絕人勝則境殊迨乎物運遷回遂有慕曩烈而恨遲瞻高山而嗟遠情因景觸往往類然彼夫耳目所睽率無異趣及與興談遐阻則拊髀歌思何者身違輒感人往多懷也况於握勝概標孤尚者乎是以睠焉寄想因陳之跡如新宿昔所經如昨流連往復人有同心論古之士必有慨生憑弔者矣

古蹟

志古蹟

荻蘆峽在安慶里

舊志作新安

秦始皇以東南氣王凡山勢秀

拔者悉令鑿之至此得蘆根數丈斷之有血朝刷夕合夢

神告曰夕置鍬錘於根中達旦不收遂斷矣役者如言果

然後水流為峽

何其偉詩籙數天人盡江川日夜流猶懸秦地月長照荻花洲樹色迷豐沛蘆聲怨

項劉千年更惆

良直此割鴻溝

吳潘璋造船屯在大北門外有鐵錨一根露地四尺許其

端有竅土人曾掘地數尺見有三枝深入力撼不動而止

俗傳漳泉商人至連者必摩挲之謂大有益

旁有連理樹筴株分



幹一為榕一為棟自根以  
上蒼皮黛色渾然天成

望星臺在中鵠里唐張瑩隱所有八仙屏下馬橋尚存乘

風閣今圯

吳文華詩橋通流水出青林與客尋幽逵徑深  
占象有臺迷草色砌花無主漫春陰鶴歸東海

千年月人在斜陽百代心舊事荒涼不可問閒凭湖石聽  
山禽陳元登詩高臺傳是舊梳粧乳燕雙雙粉蝶黃五里  
峯低曲水斷八仙屏卧石盤荒誰知此日耕桑地盡屬當  
年歌舞場千載豪華如旦暮青山猶自照斜陽按望星臺  
俗名梳粧臺

松阜龍井在二十六都巨石中竅三穴為井龍潛其下相

傳楊八使捉之繫於石楯今楯尚存云即繫龍者

楊八使  
見祠廟

見龍臺在新安江側宋淳熙門知縣傅伯成築祈雨有驗

江心

嘗有舟泊其下正旦忽風浪騰湧烟霧晦冥龍蜿蜒見於

江心

筠溪釣臺在清河里濂湖山麓宋侍郎李彌遜忤秦檜歸

築臺釣魚於此遺跡尚存

陳潤詩悠然垂釣水雲寬千載  
高風想掛冠遺疏終寒好檜膽

荒臺如峙子陵灘絲綸收後烟波冷日月沉時  
草樹蟠憑甲靖康傷底事飛鷗片片下層湍

傅公泉在學宮宋淳熙十五年知縣傅伯成所鑿

角帶灣在烏巖黃先是馬鼻有倭寇連兵往剿者路經烏

巖山脊倭得望見為備戚少保始令從山腰環繞而進倭

不之覺後遂成路巖石有窟如窠白狀泉清不竭過者多



飲之名千人飲

木柵在馬鼻山北海邊戚少保所立令倭不得近海岸今  
採捕泥利者猶識其處

白鶴草堂

在白鶴

濤園

在伏沙

俱何其偉居處

陳元登白鶴草堂詩序云梧子

卜築白鶴山中倚三峯而望海潮遠樹連烟平疇捲綠短垣一帶修竹老梅環映居一室左右圖書舍傍隙地盡蒔藥草名花籬外繞而種菊客有從山中來者為言梧子園中菊大如盤日支方竹杖側歌嘯傲於其間余聞之欣然欲往適梧子過余漁村余迎賀曰山中多佳况幸甚見其袖中藉藉有聲笑曰詩耶日然日然則子之工焉必也山水激發性靈淡定是可於梧子之居卜之也及閱詩余言果不謬雖然詩文小道耳知梧子亦不願求工今居山中狎樵牧亦漸喜不為人識然以余觀其磊砢多節神鋒隱然而豈山中之人哉正如卿家思遠嘗若懷冰即暑月猶

連江縣志

卷之十一

古蹟

三

有霜氣余以謂梧子可敬也尤喜漁村去山中不遠村火射紅蘆花借月時解小舟取葦蘊與共泛於泔泔淪淪之中醉則踏三峯頂門散髮婆娑而返亦何知世間有窮愁二字嗟乎人生榮悴亨困何常誠知此中斷不由人我願與卿且長保此乾坤藐小無足多言又濤園文集序云何子前刻白鶴草堂詩後刻濤園詩文則有胡諍一編余皆序之今復屬以濤園文集豈真以余為惠施可以發濤園無盡之藏乎識者必嗤予為強作解事矣然余猶不辭何也昔江夏黃祖每閱正平文輒喜曰先生之文獲祖心不啻祖之自言也黃祖何人敢與正平論文但發其所欲言而不能言者宜其以為自言不過如此也故白傅之詩必令老嫗解之黃祖即正平之老婢而予亦可為何子之黃祖也自變亂以來與何子交四十餘年同流寓者兩載連樑灑者四載隔一城闈者又五年於茲矣蓬蒿滿徑惟許求羊二仲日相過從今余亦掃做蘆歸漁村矣垂老之別相見不可期故亦重違其意聊以我兩人同患難同貧賤老筆之簡端使異日展卷即有漁村釣叟在其案頭而我

濤園詩集卷之十一則如嗔如笑歌哭無端又未嘗不以何



氏老人僧帽道...警欵如聞也大約何子之志不在近今  
余亦不敢以喜歎羊棗之嗜望之人人但使天下後世有  
桑海餘錄桐江月泉吟社之類收之遺民逋客中則讀斯  
集者猶覩種冬青擊如意人縹影緒風呼之或出也則余  
雖欲不强作解  
事亦不可得矣

石刻 附

章仙壇碑記

撰人闕唐開元中勅建宋政和間改為  
寺僧恐復為道宮乃瘞而毀之今無攷

靈瑞王廟碑記

唐保大中鄭簽判南鄉撰今無攷按鄭  
南鄉志作宋崇寧三年諸科官朝奉郎

濬東湖碑記

唐咸通初邑令  
李晨撰今無攷

重濬東湖碑記

宋淳化二年邑  
令鞠仲謀撰

永安院建殿碑記

宋景祐三年陳  
彝撰今無攷

連江縣志

卷之十

古蹟

四

顯應廟碑記

宋慶歷中潘  
奎撰今無攷

建學碑記

宋嘉祐中邑  
人周希孟撰

朱公橋碑記

宋嘉祐三年  
魯國會撰

重修玉泉寺碑記

宋元祐初  
陳傳撰

獨覺和尚碑記

宋政和元年勅建邑令鄭  
事道撰范商叟敘今無攷

移廟學碑記

宋紹興十年邑  
人李彌遜撰

改文廟南向碑記

宋淳熙十年教授許衍  
撰舊志作邑人林朴撰

學校碑記

宋紹熙元年邑  
人陳舜申撰

鑿泮池碑記

宋寶慶三年  
邑人常挺撰



安利橋碑記

宋紹定間徐澄撰碑  
陰有興化陳宓書

通濟橋碑記

宋淳祐九年  
鄭應大撰

重修廟學碑記

元皇慶二年教  
諭黃仲文撰

重修湧泉寺碑記

元延祐中邑人陳炎圭  
撰此記疑贗作不錄

重闢廟學碑記

元天歷戊辰教  
諭林坤光撰

興學碑記

元至正二十  
一年揭竑撰

重修東湖碑記

一明天順四年邑人趙雍撰一  
成化初邑人張子初撰一嘉靖三年邑人孫用撰

蔡公德政碑記

明嘉靖五年四  
明豐熙撰並書

浦下斗門碑記

明嘉靖中邑  
人吳文華撰

連江縣志

卷之十

古蹟

五

戚公碑

嘉靖癸亥五月二日總戎戚公大破倭夷於馬

鼻磯之境內遂平

此紀南塘戚繼光功也  
碑在西關外觀音閣旁

修文廟碑記

明隆慶中邑  
令張賢撰

鄉賢祠碑記

明萬歷中邑  
人游璉撰

杉子崎渡碑記

游璉  
撰

捐學田碑記

明萬歷十三年  
郡人陳聯芳撰

蕭侯碑

明萬歷間邑  
令蕭毅立

一介不取

中大書

臣門如市臣心如水

兩旁小書原嵌入縣署塞門中嘉慶三年署令巴揚阿  
移立譙樓下以碑陰向外上刻云連江蕭侯十二字碑

中云淡簡溫清慎勤果達  
藝公恕明分四橫行篆書



叅將新署落成碑記

明崇禎間 熊明遇撰

東岱鏡城碑記

明崇禎間郡人董應舉撰

以上碑刻

紹興己巳趙端禮李似之蕪粹中全玉泉曇老訪妙空禪

師寶華福地

至正乙巳秋遼東薛子顒靈武王用文

東平馬主良晉安趙道生朱騏秦川王克恭

八分書 俱在寶華山

奇章別墅

奇章高夢月字

雪浪

雲根

蟠龍

俱在橫槎江岸

張寶民王晉卿己丑孟夏遊石門 陶問之吳次元壬子

仲冬庚戌同遊

龍首澗

俱在石門

解醒泉

在秦川

連江縣志

卷之十

古蹟

六

洞天

風仙

俱在文筆山

醉翁石

在澄巖嶺上

彤雲碧海

入佛境界

天上雲居人間仙境

金華趙崇杙書 俱

在雲

居山

降虎

雷移

在寶林寺傳 為晦翁書

龍峯

在定岐山

章突洞

在文殊山唐仙人章壽修煉處

小華峯

在鰲鼻山宋紹興甲戌有鋤夫得一圓石剖其中有此字紹熙元年剏亭蓋其上今亭廢石尚在麗

江



輕避重賤避貴少避長往避來在東禪嶺

章仙峯 粘雲俱在爐峯頂

漁村在百丈巖

石室清隱摹刻晦翁字在磨嶺清音洞

松崗在松嶺井上

節彼南山 大有佳處俱在前園山

依綠八分書在苦竹溪石上

福壽字大徑丈在甫頭山

界外乾坤在覆釜山

連江縣志 卷之十 古蹟

溪山第一在利安

青溜石在北菱海岸石峽上汗吐成字拭之則減少頃復明土人以爲仙蹟

漁滄太乙之門在漁滄浦水中

林薄發秋色彥儕邀清遊取路朱公橋授餐林放儔催轂

投翠林躡屐升丹邱遂憇白沙塢遐賞無塵樓主人供茗

酌言尋巖洞幽月桂叢中茁天香洞外浮古籐穿石罅新

竹擁龍湫可以作筇杖往來若平疇流觴到日落秉燭談

前修但耽泉石樂不知塵鞅憂信宿已忘去恍然迴十洲

明邑侯劉燧詩 餘干朱應奎遊此隅宿三日俱在白沙墩桂巖洞



劉禹錫過此

在蛤沙河泊所郡志云  
疑後人姓名相同者

祝聖萬年山

喜來龍石坐得乘榕樹涼  
突兀見元珠凌

厲起屋梁寺北藏蛟室  
至寶委道旁天忽霹靂動  
慷慨頭

角揚驪龍一夕脫明珠  
生夜光甘霖洒玉壺御風沛  
大荒

余幸遭茲石爲之勒文章  
石而或知我慎勿嗤予狂

明邑侯劉

煇詩

俱

在洪塘

嘉定庚午良月六日朝奉郎前秘省著作郎兼國史院編

修官實錄院檢討官兼權右侍郎官陳舜申爲考贈奉議

郎焚黃偕子弟孫姪輩修慶禮宴客於困峯因道旁有天

連江縣志

卷之十

古蹟

八

然二石刻而誌之長孫從事郎充南外睦宗院宗學教授

德一謹書

在週溪困山

會將此地擬東山謝傅風流不可攀碧草已荒行處路黃

花猶照舊時顏庭前木落秋將晚洞口雲歸客未還十載

舊遊今始續不妨沉醉向江關

明福唐葉向高詩

巾鳥相隨躡紫

烟閒從鳥跡訪金仙宦情迢遞浮雲外梵影依稀落照前

古洞蒼鱗涵寶月香厨清玉控靈泉坐闌得悟如蓮偈萬

籟空無一事懸

明邑人吳文華詩  
俱在玉泉山

怪石依天積洞門劈海開登臨聊一嘯風雨忽驚來

明郡人葉



子發詩在  
定海虎洞

相將徐度嶺躡屐破秋雲路自巖邊轉泉從樹杪分探幽

臨絕險取醉傍斜曛啼鳥如天落踈鐘送客聞秋日全黃貞占林興

祚遊雲磴憇三元殿明參將安國賢詩在定海新城裡

海濶天高國朝郡守李拔書在源天墩小桃源 以上磨崖刻

帖本附

吳文華千字文草書

連江縣志

卷之十

古蹟

九



連江縣志卷之十

寺觀

佛老並稱佛自漢明帝求書天竺以來今之緇流固其教也老致虛運實出於道德五千言然今之位門掀演讚誦一字何涉乎夫道教謬訛人能辨之而佛之託旨精妙動為惑溺遂至顯居護法宏啓叢林其言馳成化固未易窺而頭顱濡糞做袴爛羹何有於金碧幢旃磬魚鐘鼓哉然則香臺檀室特衲子希圖布施為大眾皈依地耳縱現身示教亦不在此無疑也蘭亭約契竹院消閒尋玉版分紫

連江縣志

卷之十

寺觀

十

茸為幽人達士所寄趣可矣志寺觀

屬城內者曰

護國天王寺

在治西北仙塔街唐大中三年建有塔二層石刻寶相甚精緻始名竹林咸通間始改賜

額明洪武初為祝聖道場永樂元年火宣德五年重建成化二十年僧明滿重修寺田五百五十六畝嘉靖庚子造城賣寺廢官鬻於孫氏今為遊擊公署

彌陀寺

在治東宋政和三年建後廢為趙氏宅寺中井有五蓮花井最名石欄鐫云僧造餘字不可辨

興慶寺

在治西白石頂周廣順元年建今廢

觀音堂

在登雲橋邊唐大中元年建今廢

塔庵

在長街孫家巷舊名塔亭明宣德八年修今廢為塔庵巷



資壽院 在治南宋開寶三年  
建右為祝聖道場

屬欽平上下里及江南鋪者曰

真隱堂 在溫麻廟前一名中隱宋寶慶  
元年建宋林幾復所居今廢

覺來堂 在黃家墩後改  
名珠寶堂今廢

寶相寺 在上山下劉家洞晉  
天福四年建今廢

龍慶寺 在上  
山下

北天王寺 在青塘周顯  
德三年建

崇慶寺 在上山下劉家洞  
晉天福四年建

龍卧寺 在治東下里隋仁壽三年建明正統  
四年重修嘉靖三年廢一云在毗毗

連江縣志

卷之二

寺觀

十一

西林寺 在九龍山下晉天福五年  
建宋咸淳初火七年重建

龍滌寺 在龍滌山半宋嘉祐二年建久廢寺側有茶  
亭明正統元年募建崇禎間吳日省募修

崇壽院 在東湖蓮花壠宋天聖四  
年建明宣德七年重修

會光寺 在下斗門上有塔七層明萬歷間建邑人周朝宗  
詩七層雁塔勢凌空螺級盤登曲折通三柱筆峯

城闕左一江潮水海門東摩崖細認前朝字勒石  
大書故老功百丈羅星臨太乙天然形勝畫圖中

荷山寺 在浦下元興李彌遜裔孫仕明以世受宋恩不仕  
隱於珠浦因闢荷山院并祀列祖像至正四年子

俊重建捨僧田十餘畝孫佑重修游璉詩梵宇寧塵外乾  
坤一覽中潮生滄海碧花發紫薇紅祝髮談三昧登雲仰

數公明朝秋意動霜信向南空吳尚誠  
句虛堂僧室留雲濕靜夜鐘聲帶雨鳴

淨雲菴 在青塘嶺畔明崇禎間建鄭建翰詩云素有耽山  
癖隨雲躡上巔松花供鶴餉竹笋起龍眠擊磬知



何意聞香笑是禪十年重過此邱壑古生烟邱允通句獨  
夜想明月空山隱淨雲周朝宗詩遠上淨雲菴菴藏曲塢  
間溪聲巴字水石色米家山路癖松陰濕  
春深柿葉殷桃花開後院含笑爲誰顏

**龍興觀** 在東關外宋紹興間建祀東嶽神爲祝聖道場景  
定三年郡公常擬以龍興廢寺田九百餘畝奏爲

觀業邑人林宜高記云青牛度關之後白馬馱經以來道  
與釋常並馳冠而黃衣而緇談空說妙各師其師真庭梵  
宇各棲其棲白石不可以供煮松花不可以療饑故齋鐘  
粥魚之需惟大檀那大信善是崇是依締約連邑圖牒佛  
寺百道官無一員爲無常產故也鑪峯七十二福地竹鑪  
仙迹之遺金龍玉簡之秘支派演迤實爲東觀始創於紹  
興經營於慶元產不過二百羽士不出四五寥如也一日  
主守施唯中曰備員洒掃於此不翼而張不闢而增可乎  
聞邑有廢寺曰龍興墨突不黔闍黎不飯尊槌不白久矣  
綴彼興此何如今侍讀尙書常公曰李聃氏以清淨治身  
苾芻子以寂然見性小道俱有可觀而觀有聖祖香火瓜  
花之奉其事尤嚴同一利濟法同結歡喜緣與其以廢寺

連江縣志

卷之十

寺觀

之利旁落他手無寧惠茲綴寺而觀夫何病廼聞於朝發  
寺田九百餘產入宮門改扁額曰龍興觀實景定癸亥仲  
秋朔也雲堂斯開瓊璣斯列饅粥斯給誦黃庭講道德者  
藹如也唯中與其徒感一飯恩揭坐堂以祀公貂蟬服佩  
生瞻仰心辦香晨夕祝以百福而求文以爲記予謂公出  
藩入輔力行好事福天下澤生民多矣而是舉也有給田  
贍衆之仁有崇真禮佛之敬敢不記其實而系之以歌歌  
曰文昌之位兮密邇薇垣祖庭改觀兮崇奉帝尊羽流述  
以事公兮願正泰符之台纏明永樂十六年稅局大使俞  
榮重建嘉靖三十六年倭亂火萬歷間邑令劉烜重建  
國朝康熙七年總兵官吳萬福  
遊擊張有材因寓此重修今廢

**雙虹觀** 在西關外舊名懷復堂明洪武間玉泉僧募建  
國朝嘉慶六年火八年邑人黃應中方秉宜孫謀

王朝安林邦增黃進春陳鴻  
達募建前後座并置田畝

**二仙堂** 在矩庚



崇寧尼菴

在小北門外明萬歷四十八年邑人吳大任募建崇禎間尼與証募建大殿

蓮池尼菴

在小北門外向屬孫氏別業康熙間尼買為菴三面池皆種蓮故名乾隆五十年重修

永寧尼菴

卽新菴在大東門外乾隆五十一年重修

玉皇閣

在蓮池菴旁嘉慶六年重修何其偉納涼口占云消受新涼半日閒上穹帝子水中間不須更說斜

陽晚藕氣茶香不放還

北堽尼菴

在大東門外順治間有尼因舊居為菴康熙八年火福寧總兵官吳萬福募建

永思菴

在江南街明洪武二十二年僧義山建祀宋造橋僧真覺今廢

屬治西清河里者曰

大中玉泉寺

在西門外隋大業元年建唐天寶中賜額宋元祐初修陳傳記云無諸城北山為絕高歷

連江縣志

卷之十

寺觀

十三

山而東不百里俯見巨海羣山負濤壁立萬狀麗然麓蔥蔚而秀發者玉泉也泉出於西峯之間甘潔清瑩唐天寶中浮屠流始附泉而栖浮屠嗜茗故獨知泉之甘其茹屏芻豢故不犯泉之潔其游燕靜定觀照虛寂故達泉之所趨向然泉之發源出重幽歷懸坎其道若屋漏若雨潤若鉤曲磬折緣數里始為藩囿困盈復行乃浮屠之居有篔而激之以臨庖者寒為蒸煖為湯盎之以為漿釜而煮之以為糧有篔而激之以達廩者為旋輪為執確以治麩粲轉而適於圃以為桔槔適於藩籬以為洒掃自簷而疏之以為簾自砌而引之以為渠婉而止之於清圓之甃與使之皓然若明月之在空谷也齧而拒之於聲牙礮確之磴竇使冷然若焦桐之瀉於風松珪璋環珮相值而激越也天寶間方袍星君少許戒律面長林方崖以為檜巢草閣依闍黎師香火百餘處皆引泉以自給滌濯盥頰資於泉故其人筋強而骨堅形骸清疎飲之既久則壽年彌長語鏗鏗然而固腫于碧色跨泉為飛虹之橋嘯泉以伽陵之禽佳葩瘦篁雲縷烟素鳧鷖散亂游鱗踊沒而低昂騷人徘徊且領幽曠冥搜遠琢於意言之表殆不能繪其彷彿



世傳東南之美必知玉泉之精廬焉清源周朴嘗得警句於此其氣燿炯炯至今膾炙人口五朝亂離兵搖盜起二宗榛莽既熾復凋開寶二年始爲十方住持真覺大師首建禪席覺而下五世日海惠乃大營葺新山門寢室佛閣前代頹腐圯漏一切掃去檀施陳氏藏鏹巨富樂於委施惠不幸早化陳氏老且死大像之殿猶前日之弊而弗革南宋沙門有卿來繼惠事十有五年與其徒知倫本勤縻星霜誓頂踵自銖金尺木積累以就肯構殿垂成卿以疾去付朝議大夫謝公適聞可久師深得授子之道志行孤潔且命卽山焚修凡前日智力之所未辦咸藻黻鞞悅至於莊嚴具足而後已勤與倫奔走竭蹶克盡乎輪奐之妙其功尤多而能事大備實改元元祐之始年也明永樂二十年重修正統十二年僧智功建擁秀堂又建鐘樓於靈源東嘉靖二十四年靈源閣燬舊寺田一千八百畝嘉靖庚子造城賣存一百畝崇禎間邑人吳執御重建寺有八景玉泉巖清澗閣明月軒清風閣擁秀堂瑞光塔流盃亭忘歸閣龔况明月軒詩玉繞雲根冷珠飛碧甃深如何秋桂影長照此山陰洪壯擁秀堂詩松帶飛雲暮簷支落日

連江縣志

卷之一

寺觀

西

間重巖看不厭絕勝五臺山龔况流盃亭詩松色雨中見潮聲沙外多銀鞍駐遊戲盃影落寒莎唐周朴玉泉寺詩野寺度殘夏空房欲暮時夜聽猿不睡秋思客先知竹迥煙生薄山高月上遲明朝塵路去難與老僧期李彌遜詩山浮羣玉碧空沈萬頃光涵幾許深梵塔樓臺噓海蜃洞壺日月卷虛金秋林結綠流連賞春塢藏雲次第吟擬一泛舟追范蠡從來世味不關心孫文銓與邑宰同遊詩石心溜玉濕無聲古寺濱泉舊得名明府風流窺上乘蔚藍天界自中興花迎劍佩宜春服水漫蘼蕪向早耕須擬醍醐拚一醉禪房丹竈晝烟橫

憑虛閣

一名談空亭在玉泉山半嶺祀漢前將軍關侯康熙二十九年僧奇音募建乾隆十二年邑令蕪澗

生重修碑記云關聖帝君以忠志大義匡襄漢室所謂以勞定國以死勤事者歷代以來顯靈昭應見於志乘裨官不勝殫述宜其饗血食於不祧矣我世宗憲皇帝推恩加封三代後裔增置博士崇德報功之典幾與文廟等歲乙丑余蒞連詢知武廟近在儀門東湫溢偏側公事出入傳呼必經每爲之蹙然不安又以尉署未建借樓祠下



尤非專廟享致崇奉之意爰集紳士謀之僉謂西郊外三里玉泉山向有廟歲久傾圮今基址猶有存者遂相率登山見峯巒透迤高曠爽塏卽倡議捐俸興復遷縣治神像於山巔庶尊奉無褻且春秋文武可以會集襄事於祀典爲宜諸紳士欣躍捐助諏日興工自正殿後殿以及門庭棹楔次第修舉會予奉召劍津以不及目覩其成爲憾今年邑紳吳樹稷等以書來言廟於是夏落成屬記其事予維鉛刀之試於此都不逾三月匆匆更代所欲爲而未逮者甚衆是役亦其一也賴諸君子始終黽勉使數十年淪沒之迹一朝而復其舊俾官斯土者免於因陋就簡之譏此其好義急公不可及矣乃不揣固陋敘述緣起庶來者有所考云何其偉詩雨後秋雲樹樹勻登高頻見菊花晨曳筇老子前三笑拜水荒祠漢一人淺閣度泉通暗谷虛江流影動空曷野夫忘語石橋上目送殘陽過別津淺閣俯平田憑虛正欲仙僧歸山下路人語石間泉秋色一江水香風九月天松憲坐竟日襟帶亦蒼然後因山水所衝地濕亭圯乾隆五十九年邑人黃應中陳滋福王翼熊孫道翼方秉宜游春蘭等募緣改建前山麓并捐西關外田

### 連江縣志

### 卷之十

### 寺觀

### 五

土名巖前壑倪厝后蘭頭墪三號共種六斗租壹千伍百觔外玉泉嶺邊原田壹號租伍百觔寺邊園壹坪

### 寶華中巖寺

在玉泉山旁有石室石洞頂有塔曰定光唐大中元年建明永樂七年重修 國朝康熙

十一年邑人游光龍陳啓暉吳駿等同僧皎然重建吳駿記事歌畧云李唐大中之元年西關寶華巖巋然巖分中後并分前刹竿次第各相聯歷宋元明世代遷屢興屢廢易星躔留待皇清日月旋康熙癸丑喜續緣誅茅豎址架高椽中後二巖得肇先自唐迄今歲已千今朝始見掃荒煙我與游陳意氣堅計工料材悉自蠲寶華勝概開新阡一十八景仍翩翩誰云東海變桑田晴嵐寶氣擁金蓮衲子繡佛布檀旃翠竹蒼松交映妍月照上方塔影懸精藍雖小足安禪寶華勝景十有八曰寶巖曰定光佛曰安居塔曰祈夢菴曰棋盤石曰伏虎石曰石眼泉曰天窻洞曰仙踪石曰松下石曰羚羊洞曰飛龍巖曰天柱峯曰棲賢亭曰尊者堂曰石門關曰無邊風月曰三僧石龕况三僧石詩石眼孤雲礙層崖密雨偏近聞支遁隱瘦錫振寒煙元周敬甫中巖寺詩石龕巢古佛松徑掃蒼苔境寂禽相



語巖虛花自開大觀空法界默坐澹靈臺萬古青山在浮雲任去來趙恢詩踏破峯頭萬點霞淒清風物總堪佳崖懸古洞雲爲鎖石榴寒泉玉作花黃家權詩小徑緣巖轉閉雲出谷幽松新翠尙薄苔淨滑如流空院山僧寂平江野漲浮本來蕭爽致此地便成秋附吳駿鐘記云陳子眉公云天有號震以雷霆佛有號震以鐘鏞雷霆天地之氣機也鐘鏞則物理之助揚矣均以宣鬱洩滯人文丕煥寓焉人事與造化相表裏也寶華巖乃龍脉萃處自文殊山發軔迢遞迤北而西騰驤入縣蓋西方金位亥龍入首虛空傳響金白水清之吉祥此堪輿家之秘旨丁亥臘石鼓耆衲興乾雲遊深羨佳勝訝其鐘小物不侔境作偈諷余重製余考方輿志江南吳郡卧龍街極南爲龍首極北爲龍尾寺枕其南昔有鐘樓久圯術者謂人文攸關當得大魁嘉靖辛酉郡守王公依術言葺鐘樓鑄巨鐘明年壬戌瑤泉申公果應斯兆余感興乾之偈稽吳郡之舉戊子春倡首仝友人陳公子崑等勸募冬臘鐘成越次年巳丑季春下浣之吉始得懸而考之恍若山鳴谷應泱泱乎大風也蓋以卜沙合橋門之識於寶華互相徵應是爲記

### 連江縣志

### 卷之十

寺觀

六

### 寶華後巖寺

在中巖右康熙十一年邑令郭鞏重建序云余歷天下名山山川每觀帝王發祥之地與夫

聖賢篤生之區其山水必磅礴蜿蜒甚至一州一邑爲冠蓋人文所輻輳亦必其流有聲其岳有氣始知地靈人傑非虛語也鼇江爲晉安郡溫麻舊鎮戊申春余奉簡書來宰茲邑甫臨縣治見夫千峯環拱簇簇然爲鼎爲台爲金鼇出海爲五馬朝天高者爲文筆書空雄者爲獅子出林竊以地靈人傑之說覆射之意必有經濟理學同時輩出者政事之餘詢諸紳士皆云鼇海當年人文之盛不遜名邦今山水之傷者幾何名勝之廢者幾何矣余不覺奮然思復士民亦諒予朴誠相與予來恐後數年之內興文昌閣建五賢祠繕城壕濬澮新祝聖道場以及城隍衙署凡百廢墜次第具舉焉今春耆老又有重興寶華三巖之請邑紳士亦相率謂余曰惟茲寶華爲鳳城龍氣所關且巖壑幽邃可以登覽因與楊學博按圖而縱目焉有若飛龍巖者矣雲氣變化其利見大人之象歟有若天柱峯者矣嶽嶽獨立其縉笏垂紳之概歟棲賢亭則虎嘯鶴鳴怪石嶙峋若侍若伏昔賢所隱居而求志者也無邊風月亭



則四望蒼靄山光水光一色萬頃昔賢所振衣而長嘯者也聞三生石為曇大師說法而點頭羚羊洞為妙上人叱石而偃卧奇莫甚焉高躡棋盤石得毋有樵子爛柯其側者乎俯臨金鼓潭得毋有漁人夜泊鏗鏘之聲出自巨石中者乎夫士君子望古興懷凡山川名勝為騷人墨士之所流連者莫不欲增其景色况秀靈鬱結近在目前顧委諸荒烟蔓草中哉是在胸羅川岳氣飽烟雲者相與以有成也是為序今圮

武萬歷間皆有修建 國朝康熙三十四年僧碩楷重修旁有羅漢樓今樓廢

廣順院 在小灣宋太平興國元年建

義安寺 在義洋唐天順元年布衲禪師有道行大理卿裴遠以孝義聞故名義安宋元豐元年僧湛然重修

寶巖院 在週溪周廣順九年建

連江縣志 卷之十 寺觀 七

石橋寺 在陀峯南宋天聖元年建

陀嶺塔院 唐咸通二年建

西白蓮寺 在陀峯下宋慶歷元年建陳兆光詩空山竹掃禪階淨幽塔雲迷佛像光白水潺潺泉湧冷清

池漾漾 藕抽香

美肇寺 在陀峯下唐咸通二年建明崇禎間僧隆得重建 國朝嘉慶七年僧介誠募修巖茶最名

東禪法華院 在週溪宋元祐七年建 國朝康熙間僧六印重建

長生院 在週溪困山宋建 中靖國元年建

西興慶寺 在週溪宋建 隆元年建

屬光臨里者曰



清凉寺 在柑灣宋天聖四年建

大旻寺 在柑灣晉天福四年建周懋勳看梅詩寒藥枝枝散漫開曾經和靖賞心來遙天送白珠千顆匝地

聞香玉一堆庾嶺雪深詩思繞羅浮夢淺鼓聲催羨君只在高山卧盡日春風引客杯

瑞峯院 在橫槎宋天禧四年建林摛詩瀨流穿石齒斷雲埋屋山漫將塵市夢來伴道人閒桐暗饑鼯出松

深倦鳥還竹鑪山芋粥笑咏十年間今廢

感應寺 在湯店

中陳菴 在湯嶺中明洪武四年僧玉埠建

小澗院 在澗裡宋慶歷四年建

雲峯院 在雲峯晉天福五年建

連江縣志 卷之十 寺觀

金沙院 在潘渡宋天聖四年建

屬仁賢里者曰

西安寺 在定田唐中和元年建古名西保安院又名龜山又名永安

寶應寺 在白巖唐乾寧三年建張瑩嘗讀書其中宋政和四年災明正統元年重建尋燬 國朝順治八年

重建

翠林寺 在白沙梁開平間建宋雍熙二年重建陳登詩山隈藏古寺有客漫迴車翠色浮青靄林光染暮霞

佛依雲作侶僧以醉為家寄興幽棲外徘徊日影斜

五峯院 在山坪唐中和三年建宋明道二年重修

長明院 在邵地宋建中靖國元年建今廢



藥師院 在蓼沿晉天福六年建今廢

淨居院 在白巖山宋嘉祐二年重建改額

雙溪道院 在邵地唐乾元二年建

屬賢義里者曰

清洋寺 在東塘後周廣順元年建明景泰間重修

天官院 在三望嶺宋元豐二年建今廢

法林寺 在澗闌今廢

屬安義里者曰

寶月寺 在松嶺山後宋政和二年建

連江縣志

卷之十

寺觀

十九

龍滌報恩寺 在尖山唐乾寧九年建明景泰四年修 國朝順治十六年僧自定全徒十如重建丹陽

驛道記云武陵溪經龍滌潭昔有龍孕其間樵採不入者百年僧宗珞結茅其上眾異之始剏屋宇表聞賜額

瑞巖寺 在尖山唐乾德四年建 國朝康熙十二年僧正脉重建陳登詩翠壁晚銜丹嶂日疎鐘花落紫巖

霜天風謾謾過松徑 蘿月娟娟下竹林

寶山寺 在尖山唐光啓元年建

武陵堂 在王庄宋嘉定二年建

瑞林堂尼院 在丹陽宋天聖六年建今廢

屬中鵠里者曰

寶林寺 在寶林唐大中六年建朱晦翁詩踏破千林黃葉堆林間臺殿鬱崔嵬谷泉噴薄秋逾響巖翠空濛



晝不開一壑祇今藏勝概三生疇昔記曾來解衣正作連宵計未許山靈便却回唐宣宗時獨覺禪師念偈移石爲室居其中四十年坐化後祈雨屢應咸淳六年旱知縣宋日隆躬詣石室迎像至邑大雨隨至有詩云年來試凋邑如僧住破菴頗識衆因果寧忍事嗔貧晨殮雖不飽夜夢却自安緬懷百里內何異一室間痛癢舉切身惻怛失歡顏曾徵三異政勿見兩暑寒皇帝念閭壤擇師田從班紅旗已開闢紫氣且度關負弩擬郊迎襍被出市闈瞻彼草木榮覺此天地寬禾實吐離離泉瀉鳴滂滂一稔已可期百憂頓能刪羣來鄉士秀共訴里胥奸飛走寧有據乞取苦無端傷爾心肉剗令我眉峯攢刑非所樂用欲已良亦難五百決譬杖雄卒捏手環於以寬民力於以警吏頑亭午發丹陽薄暮抵精藍瓣香謁獨覺且過借一簞臨風飽清供穿雲漫懷慚侯騎未來報主僧且盤桓桑下無三宿挑包過別山又詩寶林連上刹獨覺佛中尊石室真身隱苔碑勝蹟存空門留法嗣俗舍有聞孫晴雨從民欲枌榆萬古恩李彌遜詩喚起田農趁曉耕春雲已帶瀉簷聲如何乞取摩空手爲挽天河洗甲兵陳旺詩獨覺高名自昔

連江縣志

卷之十

寺觀

三

尊寶林遺跡至今存木橋草暗飛騰處石壁苔荒霹靂痕雙沼蓮開香繞寺萬重山好翠當門鄉人所禱年年事綠稻如雲雨滿村陳元登詩丹殿橫金榜蒼林結寶雲山隨溪水轉嶺向寺門分勝蹟傳遺語殘碑讀斷文後猶今視昔孰不慕前聞

靈山寺

在杜棠唐景福元年建鄭霄詩曉雨敲鐘出寺低杜鵑花暗杜鵑啼雲中濕鷺閒平野漲外拖紅過小橋梅子熟經初夏早竹孫長與此君齊看來盡是催詩料直對山僧帶醉題

靈峯院

在鳳巖梁貞明二年建今廢

西招慶寺

在後崙唐大中三年建今廢

獨棠堂

在杜棠宋宣和二年建今廢

清隱觀

在杜棠元至正四年建



屬治南新安里者曰

南峯石門寺

在覆釜山下唐中和元年謝謂募建光化三年僧道御繪圖以進詔賜額宋紹興間賜尚

書李彌遜為功德寺明成化間火隨建後殿 國朝康熙二十年復燬僧德元募建原寺田四頃四十四畝嘉靖庚子造城賣存田七十畝康熙間僧雲友私鬻殆盡乾隆四年邑紳士公向所鬻家議照近值應得贏錢抽還租谷一千八百六十斤付僧承掌游璉記云縣治之南峯曰石門仲冬與客遊其寺語僧曰寺之石門夙有聞也歲久無所於考上人試言之僧曰寺之南兩石對峙於山阿嶄然數丈許為藤蘿所交翳今令童闢之則兩門壁立殆若天設門之右有石刻張寶民王晉卿巳丑孟夏日遊石門二前修乃宋之名人偶寄興於石以志不朽意山靈假手於人以顯於今日門之左有小石嵌於門之下擊之蓼蓼有聲名曰石鼓意亦神搥鬼劃不可窮狀門之東南峯巒五起名曰五馬西南則高峯峻拔名曰金鼇又西北峯豎大石如帽名曰覆釜皆環拱於寺羅列拜舞寺背則稠林老樹

連江縣志

卷之十

寺觀

怪松修竹雖窮冬不見剝落旁數步許有澗澗中二石相排隨流而下形如魚名曰雙魚澗雨餘澗流衝激恍若鬚鬣飛動真奇觀也顧山川之形勝以人人與山川可以信諸後者文而已先生蓋文之余曰自佛教入中國凡天下作為浮屠者不知幾千萬賢士大夫作為文章形諸詩歌以張其事者亦不知幾千萬吾今與客遊接諸目者子皆得聞也獨文乎哉余亦不當文者僧曰先生之言文也可以記寺有池種白蓮吳啟詩梵池秋淡鏡光寒玉宇搖風意自閒夜靜龍宮明月上獨餘香影落人間寺有十景曰石門曰玉華洞曰玉人峯曰石鼓曰半月池曰清音洞曰覆釜曰鬥牛石曰雙魚澗曰五臺石龕况石門詩岫幌貼松低羽人遊未歸苔深鎖春色不放曉雲飛洪壯半月池詩鑿破蒼苔地灣灣月半邊既能清到底何必十分圓王德溢清音洞詩春風習習吹我衣洞口一笑開烟扉溪水碧桃隔仙子梨花白羽明真如遠山礙日逼天立孤鳥貼地衝人飛濁酒放歌從孟浪流行坎止乘元機陳元登清音洞詩度嶺探幽跡蒙茸蛇徑長奔流爭石罅復道隱溪光勢倒山鐘閉聲微野碓妨高僧莫喝水留洗耳根涼王



德溢五臺石詩剔薜峻嶒上五臺百年剛此笑顏開石門  
天啓春江入巖洞龍歸山雨來眼底淵魚渾自悟花間燕  
雀不須猜筠溪面目深山在萬壑松風拂酒杯李彌遜招  
客全遊詩羣賢嘉會走輿臣乍見郎星照七閩寺近南塘  
鍾秀麗筵開晚水照甘珍放懷想盡百川飲留客應生四  
角輪戎獨沉疴方面壁愈風賴有兩騷人又詩曉御欲隨  
山脚來報晴鳥鵲入簾催松幢竹蓋寶坊近石壁雲關塵  
境回山氣得春濃勝酒花光帶月冷過梅却收眼力尋歸  
路惜取餘青莫浪開王德溢重九遊石門詩村籊准備菊  
花期世局閒忙且酒卮山色海門看不極濤聲石枕夢猶  
疑飄零天地一身在搖落年華兩鬢知白裕青鞵過萸節  
江關明日又新詩詵謨和詩賞心偏值菊花期隔岸芙蓉  
映酒卮詩卷案頭蕪李別竹竿門外鷺鷗疑青山久訝蒼  
生夢鐵笛吹殘野叟知長嘯出郊秋欲老倚樓愁賦仲宣  
詩孫用和詩樓開清宴值芳期野色山容共一卮魚鳥悟  
來渾自得機關叅破更何疑池分半月蛟螭睡門掩清陰  
猿鶴知再向五臺尋舊跡秋風滿路動新詩吳文華石門  
寺詩隱約烟霞見佛宮石門雙峙任過從巖頭琪樹閒相

連江縣志

卷之十

寺觀

三

媚洞口瑤泉到自逢半月池涵蒼蘚色五臺石護白雲踪  
欲憑指點搜靈異應闢荆榛更幾重陳宏巳詩城放風花  
亂山荒水石稠言尋中浣暇共作暮春遊磻道循源遠雲  
林抱寺幽洞窮纔見剎樹密不遮樓仄徑妨騎馬高峯指  
門牛攀蘿穿石壁洗藥選清流軟草分曹坐殘觴次第浮  
地疑綿蕞野時似永和秋潭暝鐘聲起村空樹影收咏歌  
歡未極江  
月巧相留

鼎石寺

在覆釜山昔陳自得修煉於此一說黃妙應在此  
飛昇明萬歷間建後因屯兵山中伐其竹木僧避

去鄉人乘亂折屋寺遂廢 國朝康熙庚申僧天忍募建  
今亦廢江上詩一鼎奇而特諸遊覺逕庭天風吹石瘦灑  
氣襲人青足半雲霄路胸全山海經原來仙有跡亦愛此  
空靈陳啓暉詩島嶼微茫雲外見嵐煙變幻檻中移僧巢  
古木依山靜人踏危籐出洞遲吳沛達  
句古洞猿啼明月上空山鬼聽說經回

盤谷寺

在覆釜山下明崇禎間邑人林惠典建僧也懶說  
法於此 國朝康熙五十七年圮邑人周峙捨田



五畝零招僧重建後殿復比嘉慶二年邑人周官等募建  
何其偉詩翠微峯半隱山堂山勢盤紆到上方秋氣擁身  
疑羽翰大風扶杖若飛翔林藏太古包渾噩地接空山見  
混茫延佇洞門收遠翠紛來不斷木犀香又詩不語看山  
只覺親晴峯面面足怡神巖爭奇險無降意洞到幽深正  
肅人出谷暗泉分上竈傍簷疎竹養爲隣雲林石室全消  
受別有乾  
坤置隱淪

### 玉華寺

在覆釜山右巖洞甚多明萬歷間僧樂吾採藥洞  
中建曹學佺詩法孤傳金粟空門號玉華龍文爲

貝葉烏跡汚袈裟深得醫王意能令衆病差晨昏叅鍊佛  
無樹亦生花陳志遴詩下方無此淨山性况宜梅石壁幽  
中閉玉人天際來客行紅葉徑僧笑白雲臺冒雨尋菴刹  
平生日幾回林元亮詩真仙構靈宅洞府何嵌空入洞可  
十里流水啜其中陰島濕花露石門度松風怪石變萬狀  
尋源竟無窮有時起風霧微徑仄不通觸目極杳靄遊心  
俱鴻濛路盡忽有天空光淡青青晚出風塵外了然心目  
醒幽興殊未已又還宿雲局終悲向朝市塵髻秋星星

## 連江縣志

### 卷之十

#### 寺觀

### 三

國朝康熙間圯雍正癸丑陳修士吳雲達重建乾隆庚辰  
重修邑令程廷棻記云自候官治壽山接湯嶺爲連壤嶺  
漸東有山高千餘丈日文筆又東越金雞至鼎石下有寺  
日石門多奇境玉華洞其一也面署廳事爲東南屏障前  
陳君修士吳君雲達建寺洞前今垂圯乾隆三十四年省  
捕巨盜盜肆逸弗卽得或言於撫軍吳公曰連之玉華可  
毀也不然且爲逃藪公下其議於棻棻親履其地寺距城  
南八里許嶺路複疊至則鼇江環其前縣城束其表遠近  
層峯環抱衆壑幽邃有破屋三楹屋左折有一片石縱橫  
可半畝龕祀古佛其中仄徑蛇行而出有樓二欄距樓十  
數武有洞深十丈餘窳窳紆曲明昧不測濺溜斷續草蘚  
間雖亡命者不能久居此也棻集邑之士大夫而告之曰  
毀廢寺使山靈闇然無色非茲邑福也且寺以防盜廢永  
無再興理嗣後荒山間寂人跡罕到恐轉爲巢穴矣曷若  
新之招僧植竹木將來採樵芻牧者日絡繹於其中其爲  
防盜不愈密乎衆皆欣然遂繪圖附議上撫軍報曰可越  
明年棻減微俸邑之人亦捐資襄事以四月三日興工竣  
於五月十四日棻與士大夫宴以落之俯仰瞻眺相顧而



喜曰幸哉此寺之不廢也匪特除根莠毋為茲土害且嘉禾浸茂瀑泉噴薄有蒼鬱深黝之色儼若儲墨潘於古硯之上以供文筆之濡染行見摘華佩實者蒸蒸日上承乏茲土與有榮焉豈不盛哉於時董事者為陳生性端廷選名賢吳生樹穀

南瑞巖寺 在矩庾宋天聖八年建一作南峯

薦福寺 在瑞巖寺前宋天聖六年建

獅山寺 卽師姑山順治間募建傳為矩庾二仙行樂之所周正子詩採藥來何處相逢話草堂不生劉阮夢

長住白雲鄉

龍泉寺 在赤砂館宋景德四年建吳尚誠詩紆徐一徑上岑山高閣岩巖抱碧灣遊客漫隨清磬入老僧長

對落花閒洞天龍見虛無裡雲壑泉鳴杳靄間盡日淹留情不極却疑身世出塵寰

連江縣志 卷之十 寺觀 二

屬安慶里者曰

南白蓮寺 在鏡路宋建隆元年建

月樓寺 在澄巖嶺上舊名玉樓又名澄巖院宋天禧三年建董應舉詩憶昔乘風上玉樓解衣大叫海天秋

扶桑日出了可見蘆荻江分瀉自流避世有心看病鶴持竿無意信輕鷗焉知仙聖非吾侶歷遍雲濤十二洲孫拱極寄題詩海上飛來一碧峯嵯峨絕頂秘仙踪接連天水迷千頃羅列兒孫翠萬重拂檻雲深縈獸篆隔江風送度霜鐘何時再得尋僧去却月樓前捉短筇

福斗寺 在荻蘆

慈雲院 在南塘

屬安定里者曰



廣化院

在大溪東唐乾寧元年建周布詩松陰先在石橋邊登寺還看樹一圓叢菊入冬香不已佳禽愛客

語相連泉爭曲澗聲皆雨月暗空林影盡  
煙消受老僧兼好友夢魂清逐竹風眠

西靈應院

唐乾寧元年建

寶峯院

在水溝後唐開成元年建  
明成化年間林碧泉重修

屬安中里者曰

北山院

在圓坂裡

小法華院

在坡西

雲泉院

在陳溪南宋康定元年建今廢

興國院

在溪裡宋慶歷元年建  
主管利安橋今廢

連江縣志

卷之十

寺觀

三五

逍遙院

在蘆瀨唐大中三年建寺旁有香石又名香菴明代廢  
國朝康熙巳酉有僧徽達結茅其中往往

見光怪之氣鄉人異之壬子重建

屬治東永貴里者曰

雲居上菴

在雲居山唐時建宋元屢修  
國朝康熙戊申重建奇景錯出其著者有八日出米石今塞孔

存曰朝天石曰屏風石曰浣花潭曰老翁石曰老翁田曰馬腰山曰鯉魚石又有耕農石雙脊龜石指動石踏碓石金雞石蓮花石西北二百步有仙人跡長二尺許又石上有蛤蚌殼附之寺前路旁雲根林立遍刻十二光佛寶號寺後百餘步俯瞰大海淼然無際近而荻蘆遠而五虎諸島皆在隱見間山絕頂有石塔二層名普光元至正間建可觀日出釋海筏聯云海自混茫能蓄日山無今古獨居雲王德溢出米石詩脫批悅人口入鉢結僧緣屏風石詩水月青松嶂蘿花古篆文耕農石詩心田原自種汗土未曾乾朝天石詩肅立蒼崖巔致身青雲上睠茲風霜面真



有鐵石相雙脊龜石詩神鼇戴山來陸海化為石天地破  
混茫嶄然見雙脊老翁石詩石上精魂古山中荏苒春太  
初原有歷混沌豈無人苔髮風花亂雲心水月勻乾坤六  
子在翁豈畫前身陳潤鯉魚石詩鱗隱山之隈年年長綠  
苔風雲不飛去笑說是龍胎吳廷軾詩萬壑風烟低古木  
半天鐘磬落奇雲董應舉詩地位清高絕點埃忽疑身世  
在蓬萊蓮花石古多青草出米潭深有綠苔幾葉漁舟滄  
海外半天佛塔白雲隈丹爐藥竈依然在何事仙翁去不  
回何其偉詩萬頃風煙上超超對夕曛地臨星宿窟天盡  
海南雲浩氣何時已飛光百道分混茫思禹力振古此功  
勤邵似歐詩俯仰乾坤一氣融百川東下盡朝宗中原地  
接蒼茫水三島人棲縹緲峯蕩漾波濤搖日月鬱葱雲霧  
隱蛟龍臨風直欲飄然去左拍洪崖右赤松楊龍標詩一  
上層巒俗慮刪遊人相引翠微灣神仙窟宅重重石猿鶴  
巢窩處處山寶塔有榜紅日湧僧寮無鎖白

**雲居下菴** 在雲居山麓有放生池明代建有田七十餘畝  
陳發曾詩辛夷白到嶺遙識此菴幽老樹藤垂

### 連江縣志

### 卷之十

寺觀

三

蔭方池澗夾流未炎思結夏當月更宜秋聞道探奇侶層  
巖鬱未收趙有聲句林間海影搖空碧天半濤聲蕩夕陽

### 雲居靜室

又名屏雲在雲居山之南即淨居菴有獅子巖  
片石屏立雲中俯瞰大海明崇禎間僧密嚴構

菴其間順治五年重建趙有聲詩寶鼎香沉正夜分風敲  
殘竹隔窻聞道人閒散了無事但向空山宿白雲周源長  
詩各地居然一大觀天風時送白雲還松濤萬壑渾如雨  
石壁千層却是山海色蒼蒼秋氣滿禪房寂寂客心閒夜  
來惟有蛩聲入古寺柴門總不關吳濬達詩孤利凌崖立  
千峯擁客登雲添江口岫月挂洞門燈海氣蒸初日山光  
浴古藤地幽人罕到一佛靜堪朋

### 東保安寺

舊名永安在關頭  
後唐同光三年建

### 大智寺

在百勝  
嶺上

### 後山閣

在東  
岱山



永福堂

在東岱山南元至順三年建

崇福道院

在洪塘明洪武間建

西巖寺

在山藏俗呼西堂

位初道觀

在湖裡元延祐六年建

元都觀

在小塊嶺上鐵壁道人住處今廢

元同道觀

在東岱元至正三年建

屬嘉賢上下里者曰

廣應院

在茶壠唐貞觀元年賜紫僧了翁建宋崇寧乙酉賜紫沙門全慶修明嘉靖間僧真信重建

光化寺

在茶洋唐乾寧元年建宋咸淳三年賜合沙郡公常挺為功德寺更名報國寧親寺明洪武間馬鼻

連江縣志

卷之十

寺觀

三

陳維順捨田重修復名光化

實際寺

在茶壠宋嘉祐六年建國朝乾隆間僧祥和重修

東招慶院

在茶壠宋開寶五年建

龍興寺

在財溪宋建隆元年建明景泰四年重修今廢何其偉詩松門收晚色石磬萬山空落日虛天影深

房靜谷風月波嵐翠上花氣露光中息籟聞香後孤燈聽過鴻

寶壽寺

在官巷宋皇祐元年建元至正二十五年僧月海修國朝雍正間重修

聚福堂

在幕浦宋景定二年建明宏治間修中奉扣冰古佛按佛名澡光禪師崇安人出家霞浦瑞巖院夏

則衣楮冬則扣冰而浴常有二虎侍側

白泉寺

在幕浦



屬安德里者曰

鑪峯寺

在鑪山巖髻有上下二菴明嘉靖三十年黃良佐建今下菴尚存

淨安寺

在飛鳳橋梁大通五年建初名祇洹唐咸通六年重修 國朝康熙乙卯重建

月峯寺

在壠柄魚山唐天寶元年建原名廣化大順三年改名後圯 國朝康熙庚子里人楊伯庸募建

巍峯寺

在透嶺明永樂十二年建宣德八年修

瑞豐寺

在透堡唐天寶元年建 國朝康熙間重建

報慈寺

在財嶺上唐乾寧元年建 國朝乾隆己卯重修

福善寺

在龍峯 國朝康熙壬午重修

元沙院

在葉舍頭唐大中元年建今廢

連江縣志

卷之十

寺觀

三

三仙觀

在鑪峯麓元至正十五年建楊龍標詩踏遍平蕪一徑深仙家幽勝我來尋鸞笙曲奏風生座塵柄

談餘月滿林闌盡紅塵成慧眼讀殘丹篆了凡襟不於此境求真訣難說崆峒證道心

屬保安里者曰

真如菴

在真如宋元祐六年建明正統三年重修

報國寺

在東村宋熙寧二年建原名安國元至正十一年重修

東保福院

在東村宋乾德四年建

羅漢寺

在鯉溪宋開寶元年建

仙踪院

在鯉溪後唐同光四年建明崇禎八年館讀里人陳正學重建捨田二十五畝 國朝乾隆三十一年

年僧覺妙募建後殿



永興院

在永興嶺唐廣明元年建陳元登募建經閣疏云永興寺以在上人將於佛殿傍建小閣藏經欲集

衆緣成之託客請余言爲勸予曰僧之志尙矣而所謀爲勸者則否世之爲募勸倡者必雄於貲而有力者也不則達於時而有位者也二者余無一焉即使予困疾呼亦將十聞不一應矣又焉能助佛子之門槌耶予敬謝客既而思在他寺無可言在永興則不能無言蓋此寺予先曾祖所建寺原爲廢址先曾祖取瓦於陶庀材於山締構而振興之延僧崑泉師實始居此四時饗殮取我廩庾迨我祖我父皆以儒素不能繼續香燈而崑泉久爲山中一祖矣吁嗟奈園之木已拱而于公之間未高是以前今泯泯焉微余言主僧亦仍忘之也故以予言勸施恐冷施者之心蓋彼必曰乃祖布金而子孫無立錫之地是媚佛無益也孰知我先人之志不必爲子孫之福田利益而然更不必爲身後山僧之口碑而設不過破世慳癡雅慕宗典云爾且古之捨宅建刹如王摩詰李北海陸魯望之流彼豈不足於功名富貴而生希有想即何有於世之一稅一薨一櫬一輓之助欲操豚肩而祝篝簋奈何不絕贅壻之纓哉

連江縣志

卷之十

寺觀

三

况今日山僧猶以我子孫諒我先人則當日一稅一薨一櫬一輓之助亦原無負有佛菩薩冥冥之中非無主宰今末法之人惟以悲仰心生歡喜想願爲我祖之破慳癡勿爲世人之券厚償則佛菩薩雖無貸券於人而記帳原自明白然則余何不可爲勸施者必曰雄於貲與達於時者哉

福真堂

在鯉溪元延祐五年建

屬建興里者曰

湧泉寺

在梓錦唐廣明間建以山有泉因名曰湧泉歲久寺圯元延祐間僧德彞全陳善達等重修黃士舉

詩寒山盡日招行客踏破閒雲雙屐跡古寺幽棲亂石中新堆擎起危巖脊樹陰松影衆壑流溪水江潮千里碧日暮荒烟處處村窺人灣月鵠峯隙

資聖寺

在浮曦唐景福二年建宋淳熙二年重修



東雲應寺 在梓錦唐乾符五年建

瑞雲院 在大蒜後唐同光元年建

屬二十七都者曰

海潮寺 在亭角明洪武五年黃祥甫為宗來上人建 國朝雍正間僧常明重修邑宰區燦詩綠陰清晝下

松蘿宮 邱偷閒半日過愛客鳥聲供酒數醉人花氣得春多厭從拘路勞雙脚欲向平林問一柯輸却此間僧世界百年牢夢在雲窩孫文錫詩落日西山道看雲歸去遲石邊苔骨冷天外鳥聲微野老苦添酒山花笑索詩醉來門半掩新月掛松枝

凌雲菴 在定海紗帽石東

一粟菴 在定海堡東明僧中叅募修今廢

連江縣志 卷之十 寺觀

三

寶積寺 在蛤沙宋嘉祐二年建明正統元年重建

普照堂 在定海明洪武二十五年建

白雲寺 在奇達大山巔明嘉靖間里人吳姓建 國朝嘉慶元年吳開直吳開忠吳良登仝修

永寧寺 在大亭宋嘉祐二年建明正統元年重建十二年定海所千戶方義募修

觀音堂 在鳳岐

屬二十九都者曰

保福寺 在牛洋嶺宋乾德四年建

樵院 在樵橋又名大樵龍泉寺宋太平興國元年建

大坪寺 康熙間建



錦山寺

在上  
王墩

屬集政里者曰

峽山護國觀音寺

在麻阪唐元和四年建

彌勒寺

在五滌前宋開寶三年建

隱峯寺

在塘邊宋開寶三年建

無考寺院

附

雙林寺

隋仁壽元年建

安義寺

陳至德元年建

雲深寺

梁大同間建

連江縣志

卷之十

寺觀

三

靈應寺

陳天嘉間建

昇山寺

陳天嘉間建

龍藏寺

陳天嘉間建

瑞光堂

福興寺

西禪林寺

晉天福五年建



連江縣志卷之十

外教

晉張華作博物志載魏文時方士十有六人皆能斷穀不食分形隱沒意甚神之乃其爲辨則曰淮南誅而云得道輕舉鉤弋殺而云尸解柩空是猶有隱詞焉六朝以後分脇降靈天神捧接之事遞詳紀述自是飛錫雲中浮杯海外浣腸咒樹種種示異儒者間亦言之意者二氏多幻術其徒或有能得者信難以深究與連崇事瞿曇敬禮德士茲取其不謬世教者筆之聊資宏覽若云習識談妖是則

連江縣志

卷之十

外教

三

奚取志外教

唐章壽保安里人幼牧羊於香鑪峯遇王謝二仙受學得道嘗斬蛇於延平峯頂白日上昇

唐蕭孔仲莊宗時進士遯迹連江山中披剃學道常馴伏猛虎歿而邑人神之

僧獨覺中鵠里杜棠人俗姓張元和七年母鄭氏夢吞白蓮有娠及生祥光滿室鄉人異之七歲皈依寶林寺二十祝髮易名法詮宣宗時與涅槃怡山大瀉諸禪師爲法空友峯頂有巨石如覆盆頌偈以拄杖指之一夕風雷大作



移石山下儼成一室詮禪栖其中巖有猛虎中獵矢至菴前委首帖尾如有所求詮爲去其鏃虎瘡旣愈跑泉以謝相隨歷四十寒暑不去一日鳴鼓召衆跣示寂逾半載開塏視之膚體如生頂髮垂肩削之復長乾符元年不雨縣令虔禱於塔甘澍立沛率士庶祀以太牢全身忽隱石中不見宋政和元年上官敦復督兵捕寇禱之而應遂因漕使柳某上其事於朝勅賜塔額曰慧慈

宋普濟道者東津鋪人少乞於邑夜宿荒邱日食之餘轉乞貧者常誦大聖僧伽偈或問姓名應曰無日携錢六十

連江縣志

卷之十

外教

三

九文詣興慶寺煮茶薦衆因號普濟旱坐烈日中誦偈刻期而雨素不識字一日書偈端坐而逝時年六十九後人塑以金身祈禱響應道場卽今觀音閣也

宋靈應禪師名志勤叅馮山大師觀桃花悟道作偈云三十年來尋劍客幾回葉落又抽枝自從一見桃花後直至於今更不疑先開山懷安靈雲寺及羅源仙茅寺後在邑靈應寺二十年坐化嘗幻身於四明市卵石無數附海舟歸曰吾三山靈應寺僧將以石造塔耳抵岸語舟人少需自往趣役者越日不至詣寺跡之莫得過開山堂見塑像



儼然附舟僧也衆異其事累石爲塔

僧真覺名義隆住錫玉泉寺具大願力政和六年造縣南通濟橋一十八梁宣和四年功完誓衆曰必沉我骨江水  
中則橋永無壞及圓寂衆感其誠因爲塔葬之橋南建永  
思菴祀之

鐵壁道人永貴里山藏人俗姓林號法明政和間遊龍虎  
山得授秘法療病禱雨屢有神效居小墘玄都觀二十年  
往返閩浙人莫知其所止嘗遇晚宿淡洋人家聞內有呻  
吟聲問之主人曰婦久病如昏醉作痛何症也道人曰吾

連江縣志

卷之十

外教

三十四

不知症但知療法因書符焚之須臾雷聲霹靂室宇動搖  
震死大蝙蝠於房中婦隨起酬以金帛不受老不知所之  
相傳以爲仙去云

佛燈禪師永貴蟾步人俗姓阮出家建州登科院能出入  
禪定後任持鼓山寺復歸雲居寺造塔一座宣和二年勅  
賜佛燈晦室禪師師有句云三山南阮貧家子建郡登科  
小院僧行脚不知是甚個却來日午說三更

明宗乘上人福寧人出家海島西洋山洪武四年以竹竿  
爲筏逆風浮海三百餘里至埕角後山衆相稱異黃祥甫



建海潮菴居之菴地原爲織屨夫婦所住至是他徒每日於海岬必獲鯨魚一對如有供之者七年四月十五日作偈云二十九年塵劫中今朝打破玉燈籠要識宗乘真面目一輪紅日正當空身自火化鄉人競集語曰師去何以爲惠乃於火中躍出一盂一履云

明善緣上人長樂梅花人俗姓許結茅鑪峰寺安德諸生黃良佐讀書寺中嘗勸以學道不之信每與對坐輒出神至佐家具知其事佐終疑之值上元十五夜佐至寺曰燈宵殊寂緣曰請居士一遊臨安可乎令閉目對坐頃刻間如夢似醒果同徧閱西湖名勝到處彩燈熒煌佐記一聯云五夜笙歌尙有窮簷悲皓月六橋花柳更無隙地種桑麻自此始加信服

連江縣志

卷之十

外教

三五

石田和尚會稽人精通內藏明思宗常召禁中間成佛宗旨對曰陛下治世自有帝王道法佛教特臣等自善其身耳思宗悚然重其言留半歲辭歸甲申聞國變號哭誓不與逆闖同天糾合義旅屢著戰功及唐王入閩策杖從之拜護國禪師賜紫衣金印後依益王據連江國朝兵至隱琅琦白雲山已又結茅週溪白鼻巖喜吟詩衝口而出



常寓慷慨咏歸燕云陽春轉時和風起燕子歸來梁上語  
天涯多少未歸人見汝來時淚如雨

國朝詩僧明鼎字宏耳披剃於北禪寺後隨天童和尚出  
嶺遍遊巖壑住錫於連之大旻寺自號賣雲著有賣雲嘉  
山集甲乙隨錄語錄詩集共十餘卷其復閩中居士有句  
云救饑畫餅殮將飽補衲松針鐵已磨七十年來渾似夢  
不辭辛苦作南柯

詩僧淨機字木鷗福清人住持連江玉泉寺與鄭孟凌先  
生遊著有靈源詩稿有初春過臺江卽事詩云斷橋流水

連江縣志

卷之十

外教

三

獨潺湲官路惟聞羽檄傳一望旌旗迷海嶠千聲鼓角動  
樓船當年芳草猶然綠今日春風自可憐喜得故人茅舍  
在桃花無恙復爭妍宿竹林庵有句云犢歸千嶂晚犬吠  
一村深

僧宜光邑下里人俗姓林幼不喜塵俗壯歲祝髮東峰寺  
三十餘載無徒伴敝衣含垢從不澣濯虱子盤遊身上未  
嘗殘傷寺前路通省會炎天朔雪烹茗以待往來者日煖  
地瓜蔬食於鍋任過客與樵豎食之迨糧絕腹枵處之恬  
如也一夜聞叩門聲遽起出視乃一猛虎當門徐日爾母



傷人吾爲爾飽虎俯首帖尾而去後遍遊諸寺不知所之  
元尼陳行烟陳豹女幼慕佛法嘗言吾所至有三日夜可  
修禪定者必建刹居之果至湧泉寺如所言遂捨田重建  
祝髮其中時有造謗蜚語者尼割臂自明臂斷無血人爭  
異之爲立像以祀

國朝尼性戒名阿霖吳質之女質明末諸生國變後破家  
倡義事敗死之無子其妻林氏潔身爲尼霖嫁於游早寡  
遂削髮從母歸空門嘗托鉢乞食遍覓父骸不得慟哭而  
返盡籍遺產請宗人祔父於廟

連江縣志

卷之十

外教

三

楊子桐邑下里人爲巫師善符咒乾隆乙丑春旱桐爲刀  
梯四十九層跣足連登作法其上須臾雷雨沛然邑令馬  
彭年表其居曰力挽天河



連江縣志卷之十

雜事 上 災異

甚矣天道人事之互相倚伏也天道有常亦有變人事有治亦有亂變而以小心處之則變不失常亂而以鎮靜安之則亂可為治古之人防患於未然弭亂於機先故兆雖形而有驗有不驗也郡邑志乘災異寇變在所必書非徒縱觀往事亦用垂戒後人上回天道下順人心覽斯志者將有見小慮大覩微知著之思焉志雜事

唐大歷二年秋大水

連江縣志

卷之十

雜事 災異

三六

建中三年夏大旱

貞元六年夏大疫 十二年夏大水

開成三年夏蝗疫

五代唐長興四年地大震有聲

景德二年颶風為災

宋天聖四年秋九月大水壞民廬舍詔賑恤之

元祐八年颶風湧潮自沿海至縣治田疇盡沒

大觀三年旱

紹興二年大饑斗米百錢 六年春饑詔賑之



隆興六年正月地震自春二月至秋八月旱種不入土大  
饑詔賑之

乾道六年夏旱

淳熙十一年大旱自夏四月至秋八月不雨 十二年饑

命守臣賑之 十五年大水 十六年夏四月霪雨

紹熙五年秋冬霪雨禾不獲

嘉泰二年夏六月大雨至秋七月 三年夏瑞麥生一本

四五穗

開禧元年旱

連江縣志

卷之十

雜事 災異

三九

嘉定十三年大饑民取草根爲食 十四年旱

嘉禧四年旱

咸淳八年夏六月大風

德祐元年春正月地大震

元延祐四年秋九月嘉禾生一本兩穗

至正二十三年春正月虎入縣治

明宣德八年春正月文筆山鳴

成化十一年大饑斗米百錢 十八年秋七月甲午烈風

大雨至戊戌洪水橫溢壞縣署黌宮倉廩壇墀及民居



溺死人畜無算 十九年夏六月颶風大雨拔木發屋  
壞田禾没人畜無算九縣同日皆然 二十一年春三  
月雨至閏四月溪水漲溢漂沒官民廬舍人多溺死繼  
以大疫 冬十月地震自西北有聲 二十二年旱大  
疫 夏六月甲午地震 秋九月丙寅又震

宏治十二年饑

正德四年地生白毛焚之有髮氣 冬十二月大霜龍眼  
荔枝樹盡枯 十二年夏地震有聲五日乃止

嘉靖五年大旱自夏五月至秋九月不雨無禾知府汪文

連江縣志

卷之十

雜事 災異

旱

盛奏蠲歲賦是冬十二月火自義井延宏路西及大街

十三年秋大水 十八年秋閏七月颶風拔木折屋

二十一年夏六月十一日大風雨溪流暴漲縣治水

深丈餘城壞十之四屋舍漂流人畜溺死無算 二十

二年夏四月地大震虎入縣治 二十三年春正月地

震夏旱秋饑巡按御史何維栢賑之

何公粵東海人後以劾嚴嵩被逮士

民送之哭

二十四年夏大饑民食草根

時斗米銀一錢民無糴處餓死

其 二十九年夏五月庚辰地震壬午又震雷擊明倫堂

柱 三十年春三月大墮墩石隕有聲如雷色青 三



十一年地生珠大如綠豆着手輒碎 三十四年夏四月文筆山鳴冬十二月平地雪深尺餘 三十五年春

二月大雨雹三月壬午地震是歲有黑青見數月始息  
時民間訛言有海驢精狀如螢着人衣褌卽死城中人家擊金鼓如防巨寇夜不帖席有道士市符活之有司疑卽道士所爲也將置之法道士逸去怪遂絕 三十八年春饑 四十年春夏

海濱大疫 四十一年十一月丁酉冬至地晝夜九震

巳亥復兩震 四十三年夏四月地震秋八月大水山

崩冬十一月大雪 四十四年冬十一月大雪山谷深

四五尺 四十五年春正月朔夜地兩震

連江縣志

卷之十

雜事 災異

四

隆慶二年夏五月地大震 五年夏旱自四月至六月不

雨

萬歷二年秋八月地震有聲起自西北山石皆隕屋宇傾

頽 三年秋八月縣治妖火數發九月務後延燒三十

餘家鄉皆集衆爲備或徙器物虛其舍避之久乃息

九年秋七月大水壞城郭官民廬舍 十年夏四月菊

蓼木芙蓉有花 三十九年秋大水沙伏寶華巖前路

高五尺 四十六年秋夜分東方有雲赤白色形如刀

長丈餘數月始消



泰昌元年大有年

崇禎九年冬十二月大霜荔枝龍眼樹盡枯 十年秋七

月浦口滕家地湧血噴激丈餘是歲奇達民吳魁妻一

產四男皆不育 十三年夏四月拱頭龍津潮水大進

赤如豨血 十四年秋七月朔颶風大作有火光發屋

拔木傾縣署譙樓壞民居無算 十五年冬十月至次

年夏大疫人民多死

國朝順治十二年春正月望大雪平地深三尺 十四年

大旱自春三月至秋七月不雨 十八年奇達北菱黃

連江縣志

卷之十

雜事 災異

望

岐上塘海潮湧進作十餘次而滿是歲調遷沿海居民

於內地

江南浙江廣東福建四省近海者皆遷之

康熙元年壬寅大饑遷民多死 二年秋八月文筆山五

色雲見 三年春大旱秋七月大水八月饑民食草根

十一月縣署火是歲虎五入縣治搏人於市

時邑令周雲龍貪墨

民謠云虎不渡河偏人縣風能返火却焚衙

五年雷擊縣堂柱六月保安里

鯉溪龍昇天 六年夏五月二十四日龍起西郊金鐘

潭鱗甲皆見從西北去

是日午刻潭中烟霧忽起梅洋山雲隨至龍乘之薄不能載又

飛濃雲一片遂飛舞而去

七年春正月有星如刀見西方經旬乃滅



秋七月大水 十一年春保安里山鳴冬地大震晝夜  
十餘震自十月十七日至十二月二十一日乃止 十  
二年春正月大雪夏五月旱至秋八月不雨 十四年  
秋七月二十六日大風瓦石皆飛折化龍橋亭毀官署  
民居九月大水是歲萬石民家地忽湧泉壞屋壓死者  
五口 十八年春馬鼻庄邊有石發火自燃燬爲數段  
是歲穀價騰貴石逾一金 十九年秋大旱冬十一月  
有星芒如刀長數丈見於西方經旬乃滅 二十年秋  
大旱至冬十二月不雨 二十一年秋大旱是歲邑人

連江縣志

卷之十

雜事

災異

四三

楊仲熙妻周氏一產二男一女皆不育 二十四年春  
旱及夏始播有蝗六月虎入縣治十一月冬至地大震

二十五年夏四月海濱雨雹大如彈閏四月安德里

鑪山五色雲見冬十二月二十日雷發聲 二十六年

螟害稼 三十年春旱三月十七夜地大震有白毛出

土上焚之有髮氣日中雨絲長數尺將著地輒消秋閏

七月初四日颶風發屋縣治洪水高五尺夜半地震十

五夜大風雨二十九夜大風又作海水暴漲沿海人多

溺死

海人云是海嘯  
沿海諸邑皆然

三十五年大旱自前年冬不雨至



是年夏六月六日始雨 三十八年秋八月十五日地  
兩震十七日大水冬十一月二十二夜虎入縣治 四  
十一年旱 四十二年又旱皆自春徂夏不雨 四十  
八年春二月龍起金鐘潭風雨大作拔通濟橋南塔尖  
經東岱百勝而去頃刻復晴縣治之北五里許風雨不  
及 故老云上至金鐘潭下至漁滄浦常有烏鯉潛  
其中一鯉升天則一鯉鎮之每二三十年一見

雍正三年乙巳自夏六月末旬至秋七月十一日雨下如  
注溪流大出縣治水溢丈餘 四年夏旱饑知縣劉良  
璧捐米賑粥秋八月初七八日大風雨不止自福安寧

連江縣志

卷之十

雜事 災異

四

德下至北嶺蛟出大水泛溢山岸崩潰縣治水高城堞  
逾於三年西南城垣盡決沙壅民屯田園不可耕者幾  
二十頃近江民居漂沒者三之一男婦溺死二百九十  
餘口 時江南鋪陳君元編木爲筏舉家坐其上縱其所  
如漂至長樂梅花嶼其婦將媿隨於筏上產男不  
惟舉家全活且添一  
丁而歸亦異事也 奉

旨蠲額糧一百四十餘兩發倉穀三千餘石賑恤灾民從  
知縣劉良璧請也 公湖廣衡陽人時巡履境內被灾之  
家不俟詳請先給穀石銀錢又以穀

貸民約以來冬還  
及奉調盡以予民 五年大疫 十一年夏六月二十日  
颶風大作拔木壞屋舍



乾隆二年丁巳夏六月二十日金鐘潭龍鬣見二十六日  
又見洪水大作秋七月初三日又見初六日大風雨縣  
治水溢八月十五日颶風大作舟飛於岼屋瓦盡空山  
谷樹木如斬掘溺死人畜無算奉 文賑穀三千一百  
八十餘石銀一百三十餘兩貸給貧民穀二百七十九  
石銀一百九兩蠲免田賦九百七十兩衝陷田畝永遠  
蠲者十四兩零從知縣戚敬言請也  
是日省城南臺遇  
災尤甚漂尸蔽江  
而三年夏饑石穀價逾一金知縣戚敬言訓導陳鵬南  
捐米賑粥集紳士庶殷實家捐穀五百石研米按日平

連江縣志

卷之十

雜事 災異

四

糶戶日二升約四旬餘禾熟民賴以安 五年秋八月

大風雨拔木壞屋舟飛於山隣邑同日災 七年夏五

月朔日食既晝晦 十二年十一月冬至夜地大震

十三年春旱至夏四月二十二日始雨 十五年秋八

月初八日大風雨平地水溢七尺餘  
是年為庚午科邑  
諸生入闈者具言

貢院號舍  
水湮半龕 十六年秋七月大風雨 二十四年夏五月

四日通濟橋競渡橋上聚觀如堵有訛言橋崩者眾皆

衝突入城擁擠偃仆互相踐踏死者十數傷者無算端

午罷競渡 二十六年夏安德里鑪山鳴 二十九年



夏五月不雨至秋大旱 三十年夏五月金鐘潭龍起

雲霧晦冥風雷大作西郊農民被風飄至橫槎墜於江

岸無恙是年饑斗米百二十錢 三十二年春饑斗米

百六十錢 三十三年自春三月至夏五月霪雨螟害

稼夏五月有星晝見經旬乃滅 三十四年大饑夏雷

震縣尾鋪胡某

初其兄亦遭雷霹或咎其家素以米飯雜糞蛆飼匹雛當得此報

三十

五年春三月十八日橫槎渡覆溺死男婦四十餘人

三十七年夏五月雨雹秋九月初九日大水 三十八

年夏六月十二日大水縣治溢丈餘官舍民居俱湮人

連江縣志

卷之十

雜事 災異

異

畜有溺死者至二十九日風雨大作平地水溢六尺海

濱舟多覆溺福清長樂羅源及興泉郡同日災

先是崇禮鋪楊

子德等八人聞古田尤溪等處有五穀仙甚神裹糧往請刻木塑泥以奉之幾於舉國若狂而是歲告歉冬

十月二十六日地大震 三十九年冬十月二十四日

地大震 四十年春夏大饑斗米百六十錢民掘蕉根

食之 四十一年春三月二十六日雷震王家墩及蓬

岐門下三人同日死秋七月 夜雷霹東較場旗干併

民居屋柱兩處 四十二年夏六月美政街火延燒市

肆五十八欄民居百餘欄冬十月二十六日地震十一



月初一日虹見 四十三年春二月霪雨夏四月二麥

不熟

貧家勉強食之腹痛

石穀千六百錢夏六月早稻大稔 四

十五年夏五月饑六月初九日鑪峰下深水潭有龍上

升自辰至午聲如殷雷踰刻片雲接引而去其尾人皆

見之秋九月不雨至於冬十二月麥苗黃稿署縣陳煜

禱於城隍始雨 四十六年春正月至夏四月十九日

始雨斗米百四十錢秋七月十三日暴雨如注自未至

戌山崩澗溢冬十月饑斗米百六十錢 四十七年夏

早稻倍收冬十月三十日大水河溢五尺十一月初一

連江縣志

卷之十

雜事 災異

畧

日大水亦如之虹見者三雷發者三 四十八年冬十

月初三四日大雨河溢六尺 四十九年春閏三月二

麥不熟食之輒嘔夏四月大饑斗米百八十錢

是時鄉僻棍徒

乘間黨掠王者鳴於官至早稻登場盡捕之有繫獄死者

五月平糶倉穀米價漸減

冬十月初一日浦口民滕圭珍妻吳氏一產三男俱不

育初五日水南街火二十六夜務後街火十一月初一

夜大市街火

吳姓留餘堂燬

初二日務後街又火

王姓住屋燬於妖

五

十年自夏六月至冬十二月不雨旱不為災 五十一

年春正月朔日食 五十三年春二月初五夜大雨雪



平地深尺有咫自秋八月至次年正月不雨石穀二千  
一百錢 五十五年春正月初三夜大雨雪平地盈尺  
五十七年夏六月二十日颶風大水 五十九年秋  
八月初八日至十五日大雨水田禾被湮是年秋至次  
年春虎為災 上自降虎茶亭坡西貴安下至潘渡洪坑  
上下坂等墩旬月之間計噬男婦百餘嗣  
為獵戶炮擊者  
一機取者一 六十年夏大饑民以草根和糠粒食之  
斗米三百六十錢六月早稻大熟米價頓減

嘉慶四年巳未夏六月十七日颶風大水縣治水溢文餘  
人畜有溺死者秋七月二十四日大風雨城中水溢如

連江縣志

卷之十

雜事 災異

哭

之衝壞官舍民居 五年夏六月大水秋七月十五日  
颶風大作瓦石飛颶老樹盡拔塌壞官廨民廬無算

七年秋八月朔日食既 八年冬十一月至次年春二  
月霽雨二麥歉收 九年春二月十一夜雨雹秋八月

初三日大雨山水暴注壅伏民田七月港裡墩民花家  
齊一戶食菌死者九口 家齊妻與妯娌採樵掇蕈以歸  
時近午飯烹而食之有頃皆頭

暈腹逆手足厥冷踰時而斃其吐者雞犬食之亦斃餘  
有數人皆或先或後而飯者也中有二孕婦九人實十  
一人 十年春饑夏饑斗米二百錢六月十五日雷震縣  
云

署後 文昌閣



連江縣志卷之十

雜事 下 寇變

元元統二年紅巾賊寇縣林泉生禦却之

按泉生字清源永福人與盧琦

陳旅林以順稱閩中文學天歷庚午進士授福清同知歷漳州推官擢知福清州會紅巾寇連江帥府檄泉生禦之乃劄保甲置屯柵誅鹽丁謀亂者七人捕殺長樂謀為內應者三十餘人賊遂驚潰

至正六年寇入縣治

十六年寇掠縣巡檢劉濬死之

詳名

宦傳

明洪武二十三年盡徙上下竿塘民於縣治

永樂八年庚寅十月十五日倭寇踞定海雙髻山攻堡千

連江縣志

卷之十

雜事

寇變

吳

戶湯俊百戶金旺任簡丁銘同日力戰死之

正統八年鄧茂七作亂處州賊入縣治

十四年寇兩入

縣治

宏治十七年寇掠縣

正德十二年夏五月寇掠幕浦典史卜仲寬督兵追之戰

死於黃巖

嘉靖十七年寇掠杜棠縣丞單賓戰死之

十九年夏寇

由東湖入縣治越宿乃去斷通濟橋 三十五年夏五

月寇掠東岱

寇自陀市潘渡登張旗山經邑之水南至東岱大肆劫掠歸仍宿水南明日循舊路



而三十六年冬十月倭攻小東門不克焚龍興觀及保

固祠掠附郭伏沙諸墩去時倭由漁滄浦登岸據東嶽祠邑民陳模於城上射中巨

魁乃不敢逼毀祠去詳見人物本傳三十七年春三月寇劫幕浦是歲倭

連艘泊定海戕殺慘毒四月蹂縣治踰北嶺進逼省城

三十八年夏四月倭踰縣界趨省城分寇各縣自陷福安

而西道連江城外衆數千人徑趨閩候懷三縣鄙三十

九年春三月倭大掠諸村自二十七都安德保安嘉賢中鵠安義仁賢清河等里焚

燬廬舍屠掠財物凡三閱月四十二年夏五月初二日叅將戚繼光

大破倭夷於馬鼻殲之境內遂平按戚公用兵如神嘗練處紹義烏兵爲鴛

連江縣志 卷之十 雜事 寇變 辛

鴛陣破倭於台州平海衛及同安漳浦皆有功聞其平

連江時接見縣令留飲帳中酒初巡托疾入內命幕僚

肅容雞鳴席散泊午而殲倭之捷信至矣其奇變如此邑人豎碑紀其功西較場

崇禎元年六月初四日海寇周三老陷北茭城掠巡檢印

去賂歸之 五年夏六月二十八日海寇劉香仔劫毗

毗諸生趙良珪率鄉民陳其惠等禦之其惠戰死明日

舟集通濟橋攻城知縣于可舉率民兵與戰賊却退掠

幕浦堡殺男女無算是歲巡撫熊文燦鄒維璉皆按縣

至今幕浦尙有劉香仔忌蓋合堡被屠皆於是日忌祭國朝順治二年乙酉前明奉新王入縣 三年秋八月



大兵入福州檄定連江侯官戰阪賊掠縣治不克殲於

光臨里

先是賊結內應乘我師在省詐稱分兵定連時以山寇蜂起縣城戒嚴內應將開門納之諸生

陳彥弼時在分守力持不可賊計阻而遁至潘渡鄉社逐而殲之明日戮內應於美政橋詳陳彥弼傳四

年秋八月海寇陷縣治據之屯兵北嶺攻圍福州索餉

諸縣 五年海寇鄭彩陷縣執知縣宋人望殺縣丞袁

養民典史焦汝振教諭張俊六月初六日提督劉忠平

賊大兵入縣

婦女死節者五十餘人見烈女傳

十年秋八月海寇陷黃

岐大縱焚掠 十一年夏六月海寇圍東岱堡遊擊宋

天祿救之斬首數百餘賊悉奔入海死屍乘潮至通濟

連江縣志

卷之十

雜事

寇變

至

橋江水數月不食 十三年秋八月海寇陷縣知縣楊

繼生縊死

婦女亦多死節者見烈女傳

十六日陷東岱堡屠其民提

督馬得功復縣城是日大兵救東岱賊毀堡遁移掠北

莪

先是寇攻東岱以堡民死門屢攻不下遂先攻縣縣陷復反攻之旬有餘日矢石並發終不能近因掘地

焚炮裂其城衆大潰遂入之殺戮無遺種賊退邑生王治觀棄產得百金為塚瘞焉十五年新洋

山寇林國賢

綽號田雞七

聚衆掠諸鄉 十七年秋七月二

十日海寇攻馬鼻及透堡大肆焚掠冬撫標守備林炫

剿山寇於安定里戰死 十八年夏五月把總冒榮剿

山寇於保安里戰死冬十一月撫標遊擊王用升大破



山寇於古田之鶴堂追至安定里賊窮感總督李率泰

撫降之

卽林國賢黨

冬十月調移沿海居民

康熙元年壬寅山寇索投誠餉於民大劫掠諸鄉 二年

夏五月海寇駕艘由大塊至雲居劫掠山藏守備賀登

朝追滅之

時登朝先率步騎一隊乘夜從間道至據要地合鄉衆嚴裝以待夜半賊舉火至朝從暗中先以鎗斃數賊賊驚走朝徐追之將至水濱潮水漲滿朝乃率衆衝突乘勢追殺賊爭舟落水生擒數十人斬首百級

三年夏四月安置投誠寇林順等於縣治萬

石鋪 五年夏四月以投誠寇林順等屯田河南省

九年庚戌海寇鄭成功退據臺灣總督范承謨疏復沿

連江縣志

卷之十

雜事

寇變

至

海移民

是時疏復者如館頭大小塊透堡等處至附海益近附縣益遠如定海各墩尙未准移

十

三年春三月十五日靖藩耿精忠反檄下郡縣自稱上

將軍官民剪辮留髮以連江遊擊吳長春爲副將攻破

福寧溫州

長春素以驍勇聞總制范公拔置帳下將以自衛而長春潛通耿逆凡制府所密謀盡輸之及反每戰冒矢石先進輒得勝逆倚如柱石後攻衢州有忮其功者於陣後飛炮擊死之自是賊勢始衰

十七日連江營卒將乘亂掠官民值大風雨乃止十八

日復集鎮將程元春不能制千總張龍何保高祥執其

首惡戮之亂遂定

有悍卒沈元擁黨開劫縣民大亂祥揮刀力斫數人擒殺爲首者一人黨

以解散

二十六日山寇陳鬚作亂千總劉英計誘入縣殲



之 陳鬍馬鼻人寇羅源劫其兵餉殺千總一人屯麻阪寨英奉令剿捕按兵息鼓匹馬入寨諭之降誘至縣治飲以酒伏兵殺之凡百餘人 十四年耿逆兵攻浙江不克食盡還大

掠沿途居民 十五年偽鎮李朝政駐縣盡勒客尸居

民為兵九月我師入閩耿精忠納款檄下縣官民剃髮

亂初定營卒謀掠縣治把總何保諭止之

是時耿逆敗卒將作亂保

統所屬日夜巡緝令各家門首揚燎持械相衛逆不得逞又有營婦十餘恃寡數掠市民錢物連臂里巷稍不如意則什器盡碎有大哥副將之稱橫行兩年人莫敢忤保手縛其尤悍者兩婦投之大江餘乞命俯聽境內

帖 然 十六年春正月十五日海寇自館頭踰嶺夜掠水南

焚民居數十家守備鄭興以兵却之 十七年秋八月

連江縣志

卷之十

雜事 寇變

五

二十四日海寇蕭琛蕭圭章章本鎮攻掠幕浦堡盡掠

男女以去

知縣徐甲第只詳掠者數十人堡民闕於堂將罷市

九月聯絡民船官

陳君翼破海寇於定海獲章本鎮歸還所虜掠

寇稱四鎮陷幕

浦堡死者百餘人遊擊侯大經趨救馬傷而蹶賊將及之千總劉某揮大刀殺二人擒一人以歸侯乃免寇盡掠男女於廈門索贖有皮七者前嘗投誠寓幕浦與諸大戶習至是以二舟載堡民往來議贖不取贖直貧不能贖者貸而助之大戶亦皆脫歸及君翼定海之捷復奪回前掠者數十人 十八年再移沿

海居民 十九年冬盡復之 二十一年署防劉資德

以江西歸農兵安插沿海奪耕民田諸生楊慎仲死之

兵凡二百五十名恃開墾荒地之令占耕民田透堡生員楊慎仲與爭時總督姚啓聖征臺灣駐樂平沙適用



兵之時江西兵擒慎仲起懇仲方不勝  
憤於軍前大喊求直受杖三十歸而死  
二十五年秋七

月初六日紅毛夷泊四舟於定海  
三十三年冬十二

月十二日夜盜殺防將衛聖疇家丁韓二於學山後

五十八年夏四月福清薛彥文聚黨謀亂屯於五縣寨

石壠諸鄉大震遊擊李必顯會兵剿滅

彥文初業治往來安義仁賢安

定間稍稍招引匪類至是謀大舉劫掠其黨多為人言如所怨某某者皆當報之衆因偵見以蓑衣覆兵器擔負而過村里駭傳遠近大震富者挈家入城其貧者奔山谷多墜坑塹以死在城士女亦一日數驚而賊衆事方未集官司聞之羽書馳報得預爲計千總何勝密令親兵某詐爲賣卜者以應募抵其巢居數日脫歸盡得其無備狀於是遊擊李必顯請憲令會督標諸軍急攻之賊盡烏獸散大兵登山焚寨得其籍具得其黨姓名

連江縣志

卷之十

雜事

寇變

吾

有司以次按治無遺彥文竄匿巖穴中官懸格購以百金其所厚某者故匿之數於草間呼予食至是以進食給之出縛以獻軍門絞死於市

乾隆五十二年丁未臺匪林爽文作亂軍府徵兵於福寧

溫台州道經連邑官派夫役以萬計

每名夫價百二十錢闔邑捐派

十年冬十月二十四日海寇李發枝劫定海堡遷佛狼

機二十尊執外委鄭承恩掠財賄虜男子一女子三十

一月初二日糧驛道慶昌撫標中軍納履勘十八日總

督魁倫閱界按臨縣治而還

後李發枝投誠授千總職

嘉慶元年丙辰春三月洋匪掠蠓塢  
二年夏馬成番船



泊定海二十餘日聞郡守將至揚帆而遁

或云此即番之海寨行劫

者內備炮位軍器甚多旋為洋匪所劫盡殲之

四年冬十月洋匪黃文海自定

海邀汎官護送赴省投誠

因為蔡牽所害故也

時洋匪蔡牽泊竿

塘往來虜掠至次年正月始去 五年秋七月初旬洋

匪蔡牽劫東坪墩後數日連七十餘艘泊蠓塢署知縣

岳廷元會營往禦值颶風大作賊多覆溺乘勢俘數十

匪以歸

時署遊擊羅魁遠巡欲返岳厲聲曰君先怕死如百姓何乃拉與俱進陣於蠓塢之濱賊不敢

逞會七月十五日颶風大作潮水震蕩衝壞賊船三十餘艘溺死賊黨數百其潛駕小船登山逃命者俱被鄉民偵獲盡俘以歸

九年冬十月初九日洋匪蔡牽劫掠黃岐鄉

連江縣志

卷之十

雜事

寇變

五

民禦之賊遁

賊圖劫塢先遣三十人登山挖取地瓜以挑之殺死一人鄉勇群起以狼牙竹環堡

禦之賊被逼入水而溺者數人賊船發大炮炮反擊自斃者數人遂縱火焚堡外民居而去

是月知

府彥布由縣至黃岐略地而還



連江縣志卷之十

叢談

竊以曲記繁聲詩存俳體簪毫授簡良匪一端當夫正襟敷衽相與揚清芬誦駿烈固已至若酒人茗客倚裳聯襪撫稗官之小說述故老之舊聞塵尾頻揮虎頭欲活又不嫌口如懸河風生滿座也雕龍炙轂閒恣談天牛鬼蛇神旁通志怪亦猶古人筆記之例爾志叢談

宋慶元間嚴僞學之禁朱文公避迹至連嘗留安中里仁山數日主人禮奉甚周將行命取廳屏書大學聖經其上謂曰留此爲禮義之報後鄰村瘟疫豺虎數見仁山獨經數百年無患明萬歷間劉令希夔強取以去然至今灾咎亦不常有云

李筠溪有手書墨跡在臨漳朱文公跋云觀妙東楹李公侍郎遺墨語意清婉字畫端勁每至其下輒諷玩不能去然歲久剝裂又適當施供帳處後數十年當不復可讀矣別爲摹刻授道士使陷置壁間庶幾來者得以想見前輩風度李諱彌遜時以力詆和議出守臨漳云慶歷乙卯正

月甲寅朱熹書

按觀妙堂在武夷山冲佑觀李彌遜嘗宿此而去遇雨復回因留詩有可是仙翁謝

連江縣志

卷之十

雜事

叢談

一



逋客船頭無處避剛風句  
朱晦翁爲之題跋勒於石

李彌遜紹興中以忤奸檜出知漳州興學校復慶歷舊規  
郡人德之爲祠以祀及紹興中朱晦翁亦爲漳守作文謁  
之曰惟此廟學實公所遷人到於今追頌芳烈矧惟忠慮  
抑有前聞其推重如此

李韶號竹湖遜曾孫出知漳州時捐學田創虎渡石橋民  
號爲李生佛後遷禮部侍郎漳人誦之曰方千里內一太  
守二百年間兩侍郎蓋言其繩武也紹定間汀寇殺掠焚  
蕩屋宇僅存朝天坊一帶李討平之書武勝二字懸東門  
連江縣志

卷之十

雜事 叢談

二

民始獲安淳祐三年賊過縣界皆望風遁去武勝者取止  
戈爲武之義也然其救暴亦神矣

集政里有蔡母臺在海中金牌玉印當其前旗峰鼓嶼參  
差左右相傳蔡丞相父漁於此母葬焉潮退時石羊石馬  
尙存然不可攷矣鄭鑑詩云夜月龍涎冷春風蜃氣深松  
楸容祭掃何必擇江心蓋譏其水葬也

元葉治安德里人素行善一日舉家病死里有自省回者  
至楓坪見葉乘輿張蓋若赴任狀駭問何往答曰卽在此  
耳楓坪民亦夢葉言奉令當爲土神遂祠祀之透堡北門



有治屋基人無敢築室者透堡亦祠祀之

明林雙溪錦多權術當分憲粵西時黎會不靖錦時取所斬賊首入於讞囚日命烹熟進案上快噉之賊聞破膽其實所噉者乃麩爲之也及謝政歸夜宿一驛有強寇數百人將爲亂錦知之時僕御僅二三十人乃燎燭端坐洞開門戶取點軍舊籍命從人戎裝聽點迴環不絕寇遠偵聞喧聲竟夜不知虛實遂不敢發

王十竹德溢按粵東時入境月餘不動聲色一日臺前忽榜一聯云鐵印初開壯士胸中三尺雪繡衣已到臧官頭

上一聲雷貪墨皆奪魄乃陳旨計吏立兩木書貪廉字令所屬自審廉貪各就其下有一縣令初立廉下已又立貪下問何故對曰職初入官清操自守一介不苟故廉後上官責賂切不得已爲免罪計剝民以媚上故貪德溢因詰得賂者皆疏論逮治一時官方肅然

吳憲副世澤守嚴州時有市屠私宰耕牛其牛奔跪輿前若哀訴狀乃按其事而懲之因以牛歸參養終其生斃其藁席葬之人謂仁心爲質之一端云

鄭友松嶂貌癯氣勁行步矩矩人目爲鄭公步閉門自守



不見邑宰居家甚儉教子孫有法無遊手食者孫少叅之  
疏復孟子全書也其後浸微嶂搜其家得疏稿半蝕於蟲  
鼠錄之以傳爲記曰余少時聞孫公林下一人耳正德辛  
未掌教龍先生以吾連先達策諸生因答未備次日錄示  
一欸云風節孫芝余未詳其風節事越二年有游者民璇  
者語余曰我曾叔祖義生公爲御史因事下獄孫公以貢  
到京包盃飯置魚菜少許自持擊登聞鼓奏曰臣孫芝與  
游義生少同學今義生坐事臣遠來願進一飯盡友誼上  
許之至則御史吞金死矣余乃知龍先生重公益有以今

連江縣志

卷之十

雜事

叢談

四

觀奏復孟子疏直斥劉三吾爲逆臣其風節凜凜可知前  
輩修志薦入鄉賢祠顧以其子孫衰微不見錄余故爲之

論著以愧夫依阿相援薦者

嶧有師儉堂訓云慎齋主人作堂於泰街之上文巷之前

地勢深厚制度渾堅築壤爲基采木爲椽不刻斲以爲華不藻繪以爲妍落成之日客不旅賀席不肆筵啜茗而退曳履而還端坐若忘凝思入立名其堂曰師儉揚大扁而高懸其子年方舞勺學方就藝晨起入塾告而將事乃趨而問曰茲堂何名茲扁何義小子不敏請釋其秘主人曰噫子來前夫儉者持家之法檢身之律故薦取蘋蘩羞用榛栗食止適口衣止蔽質騎不過代步居不過容膝吾之建斯堂也地雖不廣庭猶旋馬構雖弗隆巧至萬瓦回視甕牖之內繩樞之下孰壯孰陋孰多孰寡吾內服先訓外酬國恩炊不黔突行不過門汝曹居必我守敘必我悖洒掃蕪翳闔開煥溫漏則必葺敝則必新勿增高以炫俗勿闕廣以傷鄰庶吾儉之可師幸吾堂之永存言未既其子



樞衣而進日某嘗參諸史冊稽諸傳疏與奢寧儉不孫寧固此仲尼矯俗之言似亦有不得已之故若蕭文終之所云猶王剪之是顧觀其建宮室則使後莫能加買田宅則藉以自固大人乃取於斯言實蒙者之所未悟也主人莞爾而笑曰汝不求諸經乎禮出天秩卦以節名儀文有等度數有程故虞代命禹家以儉興周延訓官業由儉宏惟儉之德善莫與京賦蟋蟀者謂家之可保讀損益者知富之可懲車之鑑者人必瘁璧之懷者罪必嬰東山聲樂未免金谷之侈公孫布被不如司馬之誠甚至薪蠟飴釜冰山肉屏或流蕩以覆族或荒亡而喪生顧從奢之若燎覺從儉之如登爭棄本而逐末或當拙而舉竊恨隄防之易潰念溪壑之難盈寧知苦則可以無悔甘則可以致亨是儉者誠膏肓之藥石爲大器之準繩吾年未逮乎衛武汝學未至乎康成言無微而可畧理愈究而益精惟吾儉之是師信斯堂之有徵其子乃耳接面受心傾神會不違如愚唯唯而退出而質諸傳傳曰約哉辭乎道不下帶室何遠而雖萬物之備我有一言而行之彼大人先生者身在臺閣志存蒸梨傷世家之怙侈慨時俗之澆漓其教也有

連江縣志

卷之十

雜事 叢談

五

所始其事也有所爲蓋卑宮室以力溝洫化文繡而爲茅茨君子歸嚮以成俗小民日遷而不知期禮達而分定終上安而下怡公儉德於四海匪一家之獨私余亦聞楊縮居相位而國俗變何邵襲父風而家道衰瞻正儀之足法知蒙養之在茲子歸而求之有餘師矣豈句讀之士所得窺其津涯也哉

戚叅將繼光神於用兵號令嚴肅信賞必罰士卒惴惴用命故所至成功旣平連江倭寇移兵寧德以其子爲前鋒傳令退縮者斬其子登白鶴嶺見倭勢甚盛回頭欲有關白立斬以徇三軍股慄臨戰無不一以當百於是盡殲羣倭福寧路遂平光與游大叅子東州素善每出師嘗携與偕東州一日托疾辭歸或問之答曰公用意不測吾不速



歸安知其不以我試乎及白鶴嶺殺子事聞人皆服其先見後東州爲薊遼遊擊董應舉爲之序以爲明世畸人有方山子之風云

事有創始一時而利及數世者戚少保破倭於百丈巖巖濱海倭舟每乘潮而入潮退則數十里外皆泥滓倭駐兵於此弗能及也少保旣於水中設木寨令不得近復制一器形如木杙而三其足以向上泥行如飛潮退時使兵各乘其一以殲之卽禹四載之橛又作餅如餠飀而穿其中爲肉好形使兵各繫一貫於腰以爲糗糒今海民皆藉橛名曰光餅

連江縣志

卷之十

雜事 叢談

六

趙文峰恢宣德癸丑殿試制問羲禹河洛象數條對詳明擢第二舊傳其初擬狀元讀卷官以恢爲灰心二字抑之考明史中如建文二年狀元胡廣上嫌廣字易之以靖又永樂二十三年甲辰殿試孫曰恭當第一上惡其名如暴字置第三與此正相類

五雲蕭公穀治連約已惠民有某中丞封空籠索橘五百觔時方秋未熟意在得賂五百金也客有說公曰中丞公



所向可知以公清苦不能辦莫若勸民使助公否且得罪  
公雖欲長爲民地不可得公慨然曰以民命博一官居此  
何爲吾俟吾命而已竟市青橘以獻中丞怒以不及中公  
解職而去

錢令九思蒞任時非銀鼎弗食非綺縠弗衣嘗裁絳緞爲  
卧幃一日內子病召醫至立剪其幃引手出診其暴殄多  
如此堂後自扁曰五益有士人私贈一聯云五益益何人  
三益吏書二益皂十思思甚事一思花鳥九思錢

吳襄惠文華丙辰釋褐同試政吏曹五十餘人時太宰嘉

連江縣志

卷之十

雜事

叢談

七

禾吳公少宰安陽郭公傳諸士取素所撰著文華作志對  
以進太宰不省及授南駕部主政詣別少宰少宰曰何見  
志對醇雅足覘異日事業矣前輩留心人才以言識人如

此志對云客有過而問焉曰所貴於志者何哉爲邁時以  
伸道也今聖皇御極道久化成尙爾夢寐賢豪疇咨熙  
載而維嶽降神申甫在列陳謬誇之忠奮卓躒之才亦不  
爲少也方釋褐帝廷觀光上國瞻明良之末韻嘉二五之  
昌期將樹勲名此非其時哉而云胡以自効也應之曰智  
力不可以強進才華不可以虛襲愚固海濱之鄙夫而江  
南之渺士也其將可能容日昔洪水橫流帝思俾乂菑民  
不率爰命徂征聖主之求也若聲羣賢之應也如響故士  
忠身弗庸也不患庸而弗狎患道弗充也不患充而弗庸  
今子之筮仕也入義利之分關履邪正之岐陸得則龍游  
失則鼠視殆亦奚事以稱斯責乎曰賢人不違世而立名  
志士不出位而建功是誠無所事也端志云爾客曰何哉



子之言志也連城之壁不炫於鬻不足稱寶豪曹之器不試於割不足稱利昔毛遂趙之陪隸猶喻錐囊以服楚終軍漢之旅臣顧請長纆而致越誠欲適於用也方今六合未康隔弁屢見豺虎抗爪牙之毒羣黎陷顛沛之艱此謀臣所以輟餐武臣未能安枕也不於此時飛辨陳辭解疑釋結上之揚聲紫薇垂休天壤下之突刃觸鋒騁舟奮驪而顧局影於凝嚴之地偃息於篇章之圃同明相見同聽相聞是進無裨於時而退無損於數也然則子奚志耶文繁矣將復靡也其能剗乎俗漓矣將復薄也其能正乎財渙矣將復匱也其能裕乎兵弱矣將復脆也其能振乎勳不顯於及時而道不伸於見知猶之無志云爾曰不然重璧無因而前鮮不按劍利器試於頑石非折則缺也今天下資賢甚亟矣然有自銜之行則其志鮮有能終者也吾請爲子言志夫志之立也隱於淵淪定於冲默歛之無形廓之無極可以貫星辰羅山嶽流江河潔霜雪不以盈而豐不以損而約不以顯而伸不以晦而落用之則銘著景鍾不用則身恬邱壑豈必馳競以邀榮越分以圖耀哉茲吾弗能求於人也顧無礪於躬乎弗能得之外也顧無植

# 連江縣志

## 卷之十

雜事

叢談

八

於內乎文繁莫可節弗敢仍習而儆俗尙莫可返弗敢隨風而流國計之莫裕也居其位弗敢使之愈耗六戎之靡節也當其事弗敢使之愈弱蓋志立則百務可張志萎則一毫莫補斯志也金張不能貴猗頡不能富老不能使之虛無釋不能使之幻妄功利不能惑利害不能移此終身疾用而伸若夫競功名之會效錐刀之能攘攘而趨戚戚而悲是下士之所尙聖哲之深鄙也惡足陳哉客曰至哉子之論也謹躋足而觀其成矣於是作志對

黃良會字見可儀容甚偉聲若洪鐘隆慶初由諸生入太學補鴻臚寺序班穆宗奇其狀與之言聲氣冲緩瞻視端儼上心重之池浴德早朝失笏舉止無措會折笏與之成禮浴德謝以金不受後三與本郡清廉宴萬歷中以馬龍

州同知晉韓府審理



閩小紀云明初進取不拘資格有椽吏而置身青雲者况  
鍾外不可勝數如閩縣吳復天順時工部侍郎陳永祥宣  
德時惠州知府連江縣孫瑛洪武時吏部郎中候官胡鼎  
天順時戶部郎中福清游元欽嘉靖時濟南通判高世岳  
嘉靖時承天通判

明林焦崖金知河州時以易經承聘分校閱卷畢過詩房  
見有卷擲地拾讀之大驚曰天下才也詩房戲曰果爾公  
盍收焉林遂越薦獲雋揭榜爲劉名思問也及劉入謝詩  
房曰我非子師知子者林先生也引謁甚歡是科果捷禮  
連江縣志

卷之十

雜事

叢談

九

闡萬歷間來撫閩而林已謝世矣訪其後裔相對輒泣選  
舟至閩安鎮臨江望祭厚恤其家

中丞鄒公維璉初爲建寧司李己酉分闈校士擬一元卷  
亟薦之主司欲列第二公執不可主司難之公恚曰以此  
抑魁列不如遺珠以待後之知者竟置之揭曉後知爲連  
江陳昌東卷也陳後屢試不第公亦內召忤魏璫削職及  
璫敗公起撫閩巡海至連諸屬官叅畢公忽問司教曰庠  
友陳昌東無恙乎司教愕然以居鄉對公卽手書取至陳  
實不解何故時窮老憔悴望見遽出座執手垂涕曰吾誤



子久矣因談曩事行師弟禮留宿置酒贈數百金以還是科玉融薛公耀嘗授徒連邑試之明日閱陳卷大呼曰此當作元陳曰先生亦有以自負乎薛曰吾名在七八之間又問邑中當別有售否薛指陳晦文曰此可榜末揭曉薛果第八二陳一以爭元一以筆誤俱呈堂而罷一時文字確有定價如此

黃鳴鶴字天顯號沙合嘉靖間貢初任浙江吳興司訓邑有徐中行者十二才子之一也方髫年受學鄉塾復躬自採薪鬻以奉母黃於其師處見之知其才之大可造也收

連江縣志

卷之十

雜事

叢談

十

之署中並膳其母比壯而授室焉後授江西豐城教諭有諸生李廷觀者其父讚罷試有年矣黃奇其文勸再應試是科父子同登鄉薦黃解綬歸里壽躋百齡適徐爲閩按察使李爲閩糧驛道俱造門拜謁以耆儒題請旌表徐爲捐俸建坊且置膳田報之

趙均字概教諭華亭時中丞沈猶龍爲諸生貧不自立趙常分俸資之尤雅意獎勵後沈貴顯巡撫閩疆趙已久逝特至連拜墓厚恤其家

李少山士文幼夢至一所題曰烏臺覺以問師師曰烏臺



風憲地也子其勉之後李觀察兩浙署中有石壁蘿蘚蒙茸一日命徒剗闢之見烏臺二字宛然嘆曰吾祿壽止此矣乃乞身歸數年果卒

陳若陶儉少年治草園中有術者隔籬望見之笑謂曰七品郎官治草耶招使近熟視其手嘆曰惜財薄耳陳曰吾自淡於財後令荔浦六載罷歸囊橐蕭然授徒自給一生祿命竟定於園中兩言

陳季實穀辛巳鍛羽出郭有感懷詩云破硯焚六經終歸雲路去後以明經授饒州德興司訓其弟一齋自金陵來

連江縣志

卷之十

雜事 叢談

十一

視挈有六經正文請校定貯篋中丙午三月忽燬發於篋六經盡焚端午書慶節帖石硯戛然裂爲兩殼忽憶前詩愕然曰豈非其讖耶六月八饒送試無疾卒於館邸

天崇間人才稱盛而邱際可孫輝尤最龍塘董公應舉評邱文曰單刀直入孫文曰精金百鍊謂其必售已而皆阨於遇巳酉秋試畢諸生多以文質於董公公獨擊節孫輝卷適林清海先生入座清海董門下士也問公門友孰當雋者公曰他不能知若第一人必孫輝耳清海取文觀之徐曰文誠佳然聲光太斂程矣非元也出語人曰董師過



樊孫君以吾觀其文方有壽命憂及輝見黜以哭姑歸而隨卒際可初生母夢朱衣人入室又有一衣綠者操劍追之迨明末際可以次膺貢 國初大師定連有將弁寓其家窘辱之可負氣不屈遂遇害蓋數之前定云

王十竹善於屬對少時遊小亭或試之云天旱池枯鯉也死伯魚也死答曰霜嚴草萎牛之憂司馬之憂復試之應對如流莫不穎絕

龍塘董公常與一齋季立友善而議論不相下號爲罵友其祭季立文云遍交宇宙無兩一齋自信生平無兩罵友

連江縣志

卷之十

雜事 叢談

十三

今罵不可得聞矣人之云亡如割我體當季立病亟董嘗有詩曰平生好爭論好友輒相罵及其疾病時皇皇憂日夜如割一半身如屋崩其瓦百物皆可求好友難再假久交如薰蘭乍交如佩麝麝性豈不烈終不如蘭化吁嗟陳一齋使我食不暇

一齋少豪宕自喜生平無憂色嘗與沈叅戎有容浮黑水擊倭風濤掀天檣摧柁折舟膠沃礁須臾欲碎人皆失色一齋撫髀歌曰水亦陸乎舟亦屋乎與其歸於牖之下山之窟乎何擇於江之中魚之腹乎歌數闋大笑不止須臾



風息

一齋之疾革也索筆書遺戒言治喪事禮嚴以約最後書句云達道惟五不朽惟三矻矻孜孜生未逮述經有四遊州有八瀟瀟灑灑死何求又云身去神遊獨駕蓬萊萬里人亡道在相知今古一堂投筆而逝

陳東山坦與其弟址僉有詩名嘗合刻春草集以傳坦詩存者寥寥如拜東坡先生廟云低頭下拜東坡像展眼頻看北斗標不厭瘴鄉生白髮獨憐天下哭青苗閒雲野外橫孤鶴明月舟頭憶洞簫幾度登臨重懷古天風吹送海

連江縣志

卷之十

雜事

叢談

十三

門潮其五言如古木支殘照寒鴉帶遠吟漢水舟移月巴山路入雲絕句如送人云江上春風漲綠波客中送客意如何垂楊亂葉絲絲雨不及離情一半多送人之廣云江雲歲晚不堪愁鸚鵡洲寒鬢欲秋留著梅花莫開盡爲君吹玉過南州含咀皆有深致

林徵材字魯生博雅士也以諸生例貢拜幕職而詩調清新絕句尤工咏竹云淇園秋老綠筠寒九月霜多紫籜殘記得瀟湘明月夜數枝清影捲簾看重過田公園云門巷春深碧草齊花枝大半委黃泥林鶯認得樽前客依舊飛



來恰恰啼無題云舊年曾醉小樓西多少桃花襯馬蹄今  
日重來湘水上蕭蕭風雨竹枝低觀妓云點玉明金相映  
輝斜紅淺黛六銖衣桃花扇底聲初度樓外春雲澹不飛  
又云雲染鴉鬟翠染眉春愁無主却如癡一聲檀板鶯喉  
澁正是周郎欲顧時隔簾妓云疎簾掩映影微微從此蕭  
郎見也稀一片湘雲飛不去當時錯認美人衣漁婦云半  
空秋水浸晴霞屬玉飛來貼淺沙隔岸蓼花紅簌簌輕舸  
不動是儂家溪行云千尺丹崖葉葉秋天空霜白壓扁舟  
耳邊水響停杯看前面灘高月亂流律詩多警句不能盡

連江縣志

卷之十

雜事

叢談

十四

錄也

舊傳三山吟社一日讌集相與題太真醉酒圖得二句云  
雲鬟半挽玉山頽疑是昭陽侍宴回遂擱筆沉思久不就  
有客睨其旁因續云醉倒百花猶未醒漁陽鼙鼓動天來  
吟社大加嘆賞問之爲連江陳學海其字滙川云

錢虞山列朝詩選中有吳秀才傳云吳尙瓚字亦山後更  
名贊字助卿連江人吳司馬桂芳之從弟以家難挾重貲  
寓金陵久之貧落而歸與其鄉林古度善每作詩必相商  
訂而後具藁詩多散逸不存其佳句云片雨欺貧病浮雲



薄世情意緒悲愴可誦

曹石倉十二代詩選搜羅甚富李堯卿龍川集爲所深賞  
惜無傳本又有蔣全之李同春程振鵬任可受蔣邦璽皆  
在選中蔣全之字擬梅邑諸生與邑令劉燧倡和有老隱  
詩云山雲遲遶戶團露湛沾衣得句花生馥開樽月逗輝  
春催江燕舞風送野鴉歸老態防人面柴門掩翠微寄人  
云丰度違應久相思轉不禁青山千里隔黃菊一秋深春  
氣侵朝榻風聲撼暮林徵書何日至引領到如今西廊對  
酒云一帶西郊野色蒼淹留此地負匡床且將竹葉開胸

連江縣志

卷之十

雜事 叢談

十五

次遙憶梅花吐屋旁白髮青銅從老景丹山碧水乃吾莊  
無聊自索尊前醉縱步虛庭趁月光李同春字伊蒿堯卿  
子不樂仕進築半塵軒以吟咏自娛有咏蘭云猗蘭產深  
徑幽韻自相宜風香遞以遠神爽曠而怡時無東魯叟比  
比桐與絲所高君子操何以貴人知相彼園中葩灼灼亦  
胡爲程振鵬字圖南丹徒人父佛保卒於定海所襲百戶  
安詳嫺雅有得元孫詩朝暉霞彩絢衙門傳道曾孫又得  
孫瞬息光陰看五代亂離踪跡寄孤村啣杯索醉愁寧遣  
扶杖尋春老僅存徙倚綠陰薰滿徑蘭芽茁茁出長新根任



可受字謙甫百戶簡之後原籍儀真人性孝友蔣邦璽字  
珍予全之之孫諸生充藩掾詩俱不多見數人惟蔣君祖  
孫爲連人餘皆以軍籍僑寄風流儒雅不愧古人恨兵燹  
後石倉全書世所罕覩姑存數首以俟有識者

邱榮豸字君輝傳爲小埭人嘗居一小舟以漁釣爲事有  
隱居作云四十頭顱尙未皤奇書好著寄巖阿滄江本可  
長垂釣拙匠何妨老補鍋惜尾雄雞甘自斷凌空獨鶴孰  
能羅客來若話紅塵事宅有松風剪拂多玩詩意似有托  
而逃所著有錦江集咏梅云日暖閒消霜萬點影疎還漏

連江縣志

卷之十

雜事 叢談

十六

月三更縱經狂雨香猶在獨立遙天色亦空雁字云雨飄  
短翮毫猶潤雪滿枯翎墨未濃沙中失侶文方闕江上逢  
羣畫轉添數陣衝風章意就一行帶雨墨淋漓漢臣傳信  
非題帛天女迴文不用機皆爲工雋之句

陳元登小品文字多談諧微冷嘗爲人作血盆會小引畧  
云今以養子莫苦於臨盆受辜莫寃於浴血想閻羅亦受  
生於父母旣已同有身之始而陰陽必化育乎男女何爲  
設無罪之刑雖佛經度世之說未之或知能明質人難幽  
質鬼在人子愛親之心無所不至寧信其有不辨其無又



爲普度誦經引畧云夫了生死一身事耳至於幽爲鬼明  
爲人導師願力如許宏鉅藉使鐵圍山中有一未空三千  
大千或阻寶筏如此導師作何津引且孟蘭之施在於七  
月彼月前後鬼於何餒而彼終歲得一月飽是月前後無  
救於餒是何以故况誦經文必了其義潔其念慮方受厥  
果今使導師致潔主人瀕濁猶之甲在沈疴乙代飲藥必  
無痊理乙事遊戲令甲讀書不入乙腹更作何解然而廣  
修善事者一絲一粒証明不爽不躬誦懺而有善因余反  
覆思之亦正之以心而已以此啓蒙雖聾聵可振

連江縣志

卷之十

雜事

叢談

十七

國朝乙酉丙戌間尙餘遺孽明藩僞號隆武定十二科取  
士閩郡多挂名者馬鼻陳翼鼇孝友人也父病刲股醫愈  
弟病亦如之讀書喜談當世務嘗應薦獲選從軍海上屢  
有措畫僞吏部郭維經力爲題請賜助謀進士名色且寵  
以詩授戶部主事催餉往來後不知所終勝國遊魂偷息  
窮島而一時倉皇蟻附幾於槐柯一夢云

本朝以武功定天下八閩諸將鎮連如副將倪光友守備  
于和皆精騎射當校射時倪命以甕各貯雀十許懸於竿  
首馬過仰發皆中者受上賞于縱轡發矢甕破雀飛如是



數次俱不失又嘗命工剃髮工運刀頂上迴旋如風于笑  
日汝展汝技耶吾亦欲展吾技命工跪階前加泥丸於其  
頂坐堂上拾矢射之工懼乞哀于日無慮乃三射三落其  
丸工無所傷亦神乎技矣時有督學使者過連倪于以文  
武不屬又自謂定閩功高不出郊迎使者銜之漳州告警  
乃以倪才畧力薦於巡撫隨統師至漳歷戰皆捷乘勝深  
入為伏兵所困沒於臭泥港帳前材武無一脫者

閩中楊繼生明季榜元博學高材工於詞賦 國初蒞連  
居官清慎加意造士凡遇徵糧貧士應比者必試對對佳

連江縣志

卷之二

雜事 叢談

六

者笑遣之一士上堂楊出句問日土土地士不能對楊笑  
日何不對金金剛又一士上堂出句日簷水無魚何勞蜘蛛  
結網亦不能對楊日盍對月中有桂請為長者折枝聞  
者嘆服時菽江獲大龜背文班駁因著元龜賦以見志古  
奧絕倫及海鯨寇連闔門死難所著書皆散失獨遺石鼓

文序及詩讀者寶之

邑人吳鉤字道子善篆隸嘗臨摹石鼓文繼生為之序云繼生產自梁州

寡聞晡昧承乏鼇江吳子鉤發笥以石鼓文見示讀之則揚用修授之於李西崖李西崖得之於蕪子瞻者也按史記周宣中興內寧外輯遺石鼓之文而小雅之什史籀之詞其文絕類豈周臣載揚王休與後世秦銘漢歌抑匪類而類歟吳子之先襄惠公文華由進士歷官大司馬注意文苑藏書之富天下莫與埒故石鼓之在鼇江無異於在



岐陽也治城李登鑑舊帙駸蠹與陳延之歐陽維禮篆而藏之鈎臨本得法於李較之用修所序損十之七大梁周元亮先生有柱下史之目爲之識蟲文於日學辨禽音於俗書試爲我問先王漢儒表章六經楷模程李並記石渠而近失之陳倉是石鼓亡於漢而興於唐也潘氏手錄與薛鄭二家損益不多而子瞻之本增至四百五十七言是石鼓畧於唐而備於宋也傳曰儒者今人與居古人與稽君之爲言習也不習則不信稽之爲言察也不察則不詳夫禪說亂真支文亂道世尙有傳者吳子皇皇周喬昭明祖訓爲今人耳目因作詩以廣其義云詩曰天祚有周際于天龍執翳滅殷六師桓桓十傳而宣中烈大武內寧外輯泰仲吉甫廷臣史籀文命來宜鑑茲弗靖惟王震旃友邦庶君罔敢僭忒簞芾交乘日王明德惟王燕喜爰召司空以厲以鑿以伐以庸頊之裔孫竊有西鄙不念舊章滅我文武岐陽之墳衆夢如縣瀉池之雄竭我文淵斯篆水圖變易六書大文不泐如錐如涂鴻都戎賢邕也委帶篆隸之存瑩瑩而藹迨至晉唐蒼史系絕手運日擎諸家漸晰漆書之訛重於十翼矧石而磷匪教匪式岳岳嶽嶽蚪

連江縣志

卷之十

雜事

叢談

九

斗窟沈前數後章訓我後人哲哉吳子堪案縱橫如截斯割如構斯承泰伯之亂實惟句吳紺髮而冠鞞鞞姬夫抽穎鬼號日皆睽睽谷枯泉窮八法載衍生強不慧牢豚竇徽鑑於石鼓其音可掇彼農而插聿工而繩敬事勿替矧伊周臣天祐彤陛殪兕伐狐以鈎爲籀河圖賁如我歌振夔堂乎其響髦簡之資以踐旣往

趙仁字伯昌膂力過人日食米肉三十觔有一僧善超距術不相下也僧謁趙粘名帖於楣上趙亦昇石白抵寺門壓其刺以報之一日趙行通濟橋若有從後掣之者僧也趙遽挈其領懸橋外空中少選趙甫釋手而僧已躍於橋上矣大笑而散蓋一以拳勇勝一以趨捷勝也

吳中楫字濟侯奇達人年逾冠餽於庠爲名諸生 國初



邑侯齊象先雅敬慕之嘗訪其廬楫以禮答拜之終齊之  
令連未嘗投一刺生平尚氣誼善知人不輕許可獨與德  
化李道泰稱莫逆先是李緣事被逮至省經臺江橋中楫  
適以赴試至偶憇橋欄見兩吏捕一人來儀表不俗心異  
之知爲奇士卽有力脫其厄意躡之入城訪知李所得罪  
當論徙中楫陰出篋中藏爲行苞直通津要資關說李由  
此得免於徙旣釋大喜過望猶未知誰之力也或語之故  
乃感泣下拜稱謝去當是時囊金已盡又鬻負郭田以濟  
之中楫弗言李終不知也久之李獲雋成進士出宰修江

連江縣志

卷之十

雜事

叢談

三

以休澣歸楫聞而喜蓋距風塵識面已二十三年矣私念  
貢期已屆將從此入都繼見良難然久別之餘心未嘗不  
如渴會李馳書招之徑往重尋舊雨相見甚歡李爲賦詩  
有哀韓飯未報之句以誌感恩知己之素留三閱月將告  
歸疾作不得行卒李經紀其喪葬聞有冢隆然與李氏別  
業相望云

附玉溪會耆舊贊曰吾讀史至司馬公游俠貨  
殖諸傳其感憤不平之氣猶抑鬱可想未嘗不  
掩卷流涕曰嗟乎漢去古未遠獨不得憐才仗義如吾濟  
侯者遷乃至於此也夫以遷之才夏絕不可幾豈但李先  
生之比卒無有傾貲產以脫之者吾因有感  
於濟侯竊悲遷之厄而獨爲李慶所遭也

陳潤弟有顯者字元淳善詩林從直閩詩選中載有湖中



晚望云日落水天浮風涼景盡秋青山憐獨客古木繫扁舟  
舟過雨僧歸寺落霞人倚樓遠嵐忽已暝萬壑領羣幽  
張燾字震公邑諸生孝子張燾之父也林從直閩詩選記  
其同鄭羽侯醉宿花塢云野渡村城隔沙汀碧幾灣煙將  
籠暮雨楓漸醉秋山斗酒詩成敵連床夢不閒香紅何處  
覓流覽欲忘還

陳堯若字爾疇順治庚子舉人家極貧四壁蕭然一日雨  
甚上漏下濕持傘床上夫婦聯吟達旦著有又存集林從  
直閩詩選記其客舍感懷云傷心出卜數嗟吁爲問青天

連江縣志

卷之十

雜事

叢談

三二

索故廬遠效秦宮三日火邇來海國一朝墟文章碩果風  
霜耐家室浮萍擔石儲非托公門桃李內已先同學廢詩  
書

乾隆壬子重赴鹿鳴者湖北萬年茂湖南譚昌明福建則  
漳浦蔡葛山汀州邱理德及連邑陳材邱未成進士蔡陳  
俱捷丙辰南宮嘉慶元年復俱重宴瓊林年皆九十餘卒  
亦一科之盛也

胡紹嶧字定鄒號魯山以乾隆己卯副榜應庚寅鄉薦辛  
卯春試遂捷第三名年已六十餘矣引見日上以年



老卽用教授補泉州府學九十歲始卒赴春官宴有詩云  
宴罷瓊林景物奢紅綾餅不碍殘牙座中多少人如玉爭  
向尊前笑插花

臺匪林爽文倡亂淡水竹塹首被荼毒同知程峻一家皆  
遇害幕客壽同春者爲賊所得置壁中數日賊自擾潰因  
乘間逃出適孫地山讓掌教竹塹遂共結義旅使門下士  
糾合數千人擒首惡王作等斬首百級淡水乃定隨以閩  
粵人械鬥變復作赴鹿港請兵於任督師任不聽回塹招  
降其衆至大甲札營獻之時乾隆丙午迄丁未五月事也

連江縣志

卷之二

雜事

叢談

三三

九月孫守塹城壽自率二百人搗賊巢全軍俱沒數日福  
將軍領大兵至號令一新公知賊勢窮蹙尅期就擒又以  
壽死無侶年力就衰竟不復出其哭壽同春有句云義旗  
共起今誰在志切同仇事已違又云十上書空陳幕府一  
行軍不返旌門更憐沙際纍纍骨都爲從君未肯奔皆紀  
實也

楊廷尙字文瓊美丰儀豪飲善詩巳亥公車報罷從兄西  
喬山左任繼復久客楚中有寄內詩云亦厭輪蹄瘁其如  
歲月淹黃金囊裡盡白髮鏡中添夢斷人千里愁牽月一



簾嬋娟如可詠傳語到香奩寄弟云桑蓬自昔設門闌倚  
劍人前缺易彈糊口但言爲客便載途方覺在家安五年  
泰岱車輪轉三載瀟湘枕篔簹寒九日萸杯春夜宴幾回遙  
對故山看秋霽望月云秋風秋雨減秋光有客山窻獨徬  
徬此夜寥天初見月何人異地不思鄉雲隨遠水歸閩海  
雁帶寒聲入漢陽北闕上書期又到故園深負菊花黃後  
卒武昌公署遺稿散失僅存近體數十首而已

鼇江上受三邑之水每淫雨泛溢尾閭難洩踰溝灌穴旣  
霽猶在巨浸中林心蘭占芳紀事詩云霎時平地幻滄洲

連江縣志

卷之十

雜事

叢談

三

泛泛無分上下游稚子新看競渡戲學將扉板鬥龍舟淪  
漣直欲上迴廊不道林亭是水鄉就淺揭衣吾頗慣笑扶  
兒女渡浮梁四圍沈碧訝浮天影射樓臺欲倒懸忙把畫  
書裝兩牖暫時摹倣米家船濯枝驟與地相投恰是陂塘  
五月秋南北舍如春水隔放開籠鴨當羣鷗絕無簷溜尙  
泔泔獨坐虛堂戶不扃夜半輪明月落匡墻如障一池  
星

覆釜之山有羣鷺巢其上一日山下起巨蛇長丈餘擊鷺  
巢有斃者羣飛噪俱東見者疑爲徙去翼日羣鷺邀大鷺



至周環下視將俯搏巨蛇蛇驟擊以尾大鷲鍛翮長逝羣鷲從之越數日復擁一鳥狀如野鶴縞衣長矛橫江東來遽趨巨蛇抉其目蛇創甚自山巔墜江復從而斃之乃去諸鷲鳴聲動天送之海外仍還巢如故此康熙中事諸生趙克敏述之

乞兒孫軟二幼失父其母改適無依因行乞於市得甘旨必持以奉母又忍饑餓爾積頗有餘貲念繼父貧竟迎母歸養備具服物率羣輩稱觴歌舞為娛嘗眷一友一日忽加二以不堪眾憤欲訴於官二反曲為請曰彼與二戲耳幸

連江縣志

卷之十

雜事

叢談

二

為寬之此亦若輩所為孝義者

連深山中有曰畚民者傳為槃瓠之後大抵與獠獯相類其民短衫跣足婦人高髻蒙布加飾如瓔珞狀亦跣而雜作不通言語不供征役以其遠近為伍性多淳樸亦受民

田以耕謂平民曰百姓

按閩於周時為蠻壤漢武時徙其民於江淮而空其地疑即當時山

谷中遺種邑西北五峯尖山鳳巖鹿池多有之近時亦有讀書與試者附錄嘉慶八年巡撫李殿圖諭云照得福鼎縣童生鐘良彌呈控縣書魏國柱等索詐不遂計串生員王萬年等誣指畚民不准與試捏詞貼謗等因業經飭委司道嚴提訊詳在案本部院持節閩疆兼司教養因念生監為齊民矜式若狃於習見必當繩之以法然繩之以法而不能大服其心則仍歸於無知本部院不忍也夫讀書所以明理而明理然後可以讀書以女妻大理之所無即



或有之其誰目覩其事且審其姓氏於洪荒之世而爲之記載乎自可毋庸深辨始與爾等言學問之道孔子刪書斷自唐虞孟子曰盡信書則不如無書古之正史莫如三傳史記左傳高辛氏有才子八人史記帝學高辛氏娶陳鋒氏女生放勳是爲帝堯其次如有娥氏生契元妃有郃氏生后稷並無槃瓠之說今以妻槃瓠者爲高辛氏女是則放勳稷契才子八元之姊妹英皇之姑母矣汗巖古帝始作備者起於元中記已當入犁舌地獄以後承其說者則黃山閔鶴瞿載之於粵述錢塘陸次雲載之於峒溪織志其滇黔兩粵閩蜀之志苗夷者無不援引之以爲槃瓠之後自誇博洽何槃瓠之後嗣蕃衍幾半天下有是理乎至若以蓬首赤足卽爲異類則村民農婦無不蓬首赤足卽南北各省婦女衣服裝束土人喪葬衣冠亦不必盡能畫一若云山居野處不相往來更爲不通之論上古之世穴居野處飲血茹毛所謂衣冠文物原數千百年以漸而開如隅夷萊夷在今之山東赤狄白狄在今之山西西戎羌氏在今之陝甘徐夷淮夷在揚豫之交荆楚吳越皆稱蠻夷在大江之上下今盡爲儒冠儒服非遠古以來卽有

# 連江縣志

## 卷之十

雜事

叢談

三五

黃帝之冠裳周公之禮樂也至周越川滇等處苗獠畚民隨地易稱皆不識不知卽所謂無懷氏葛天氏上古之民惟古多而今少故覺其可異耳方今我國家文教昌明遠邁千古現拓地二萬餘里其南爲回疆北爲準噶爾地卽與畚民無異今北路巴里坤改爲鎮西府烏魯木齊改爲迪化州業經興學設教誕敷文治是未入版圖者無不入版圖而爾等將版圖之內曾經輸糧納稅並有入庠年分確據者以爲不入版圖阻其向往之路則又不知是何肺腑也蓋畚民與苗獠黎獐同儔不與媚優隸卒同類媚優隸卒三世不習舊業尙可蒙 恩准其應試何獨於畚民有意排擊此必有索詐不遂者先發其端而後一唱百和詞內亦有竟不通知私列姓名之事未便株累多人惟查出索賄之人及集四書文字擬易卦尙書者於污巖古帝之外又增侮聖言之罪刑茲無赦其實不知情未經列名者嗣後讀書當能見其大而不同於習俗當知有所擇而不可失之蕪雜務廣而荒學者之大成記醜而博聖人所必誅拓拘墟之見窺日月之明破妄人之瞽說闢俗客之游談審墨士之寓言察狂夫之謔語須知補天縮地



奔月摘星化石射潮移山逐日非夸辭卽空中語須知秦  
市之桐輪管朝之易馬唐官之點籌皆在可信不可信之  
間須知長恨歌會真記控鶴監秘記作是書者皆聖賢之  
罪人然後可讀聖賢之書本部院爲世道人心風俗起見  
不憚與爾等  
觀縷言之

邑牛溪之上有黎邱鬼焉序其行曰九不知所自始也陰  
崖翳晦石壁澁青女蘿薜荔立影亭亭被髮裸跣睛滅陰  
明賺人錢帛中傷隱形禁魘作惡靡所不靈有倒戈者霍  
然而醒此宜驅之以五丁而劈之以雷霆者也

